

丹溪心法附餘

卷一十

火門

火風熱

吐血

咳血

嘔血

咯血

衄血

溺血

下血

腸風臟毒

痔瘡


漏瘡

脫肛

淋

小便不通

小便不禁
遺



丹溪心法附餘卷之十一

竹集

火門

火 四十三 附風熱

丹溪心法

火陰虛火動難治 火鬱當發看何經 輕者可降 重者則從其性而升之 實火可瀉黃連解毒湯之類 虛火可補 小便降火最速 凡氣有餘便是火不足者 是氣虛 火急甚重者必緩之以生甘草煎瀉蕪緩參朮亦可 人壯氣實火盛顛狂者可用正治或硝黃冰水之類 人虛火盛狂者以生薑湯與之若投冰水正治立死有補陰即火自降炒黃柏生地黃之類 凡火盛者不可驟用涼藥必煎

溫散 有可發者 一風寒外來者可發鬱火可發 氣從左
邊起者乃肝火也 氣從臍下起者乃陰火也 氣從腳下
起入腹如火者乃虛之極也蓋火起於九泉之下多死一法
用附子末津調塞湧泉穴以四物湯加降火藥服之妙 陰
虛証本難治用四物湯加炒黃柏降火補陰 龜板補陰乃
陰中之至陰也 四物加白馬脛骨降陰中火可代黃連黃
芩 黃連黃芩梔子大黃黃柏降火非陰中之火不可用生
甘草緩火邪木通下行瀉小腸火 人中白瀉肝火瀉風露
中二三年者 人中黃大涼治疫病瀉多年者桂中氣不足
者味用其寒 山梔子仁大能降火從小便泄去其性能屈
曲下降人所不知亦能治痞塊中火邪

入方

左金丸 治肝火 一名回令丸

黃連 六兩 吳茱萸 一兩或半兩

右爲末水丸或蒸餅丸白湯下五十九

附諸賢論

劉宗厚曰火之爲病其害甚大其變甚速其勢甚彰其死甚
暴何者蓋能燔灼焚焰飛走狂越消鑠於物莫能禦之遊
行乎三焦虛實之兩途曰君火也猶人火也曰相火也猶
龍火也火性不妄動能不違於道常以稟位聽命運行造
化生存之機矣夫人在氣交之中多動少靜欲不妄動其
可得乎故凡動者皆屬火化火一妄行元氣受傷勢不兩

立偏勝則病移害他經事非細故動之極也病則死矣經所謂一水不勝二火之火出於天造君相之外又有厥陽臟腑之火根於五志之內六欲七情激之其火隨起蓋大怒則火起於肝醉飽則火起於胃房勞則火起於腎悲哀動中則火起於肺心為君主自焚則死矣丹溪又啓火出五臟主病曰諸風掉眩屬肝火動之類經所謂一水不勝五火火出自人為又考內經病機一十九條內舉屬火者五諸熱發瘳皆屬於火之類而河間又廣其說火之致病者甚多深契內經之旨曰諸病喘嘔吐酸暴注下迫轉筋小便渾濁腹脹大鼓之有聲如鼓癰疽瘍疹瘰癧氣結核吐下霍亂脊鬱腫脹鼻塞衄血溢血泄淋悶身熱惡寒

戰慄驚惑悲笑謔妄衄血汚此皆少陰君火之熱乃真心小腸之氣所為也若脊痠暴瘳目昧操擾狂越罵詈驚駭附腫疼酸氣逆衝上禁慄如喪神守噤嘔瘡癆喉痺耳鳴及聾嘔滿溢食不下目昧不明暴癰瘳暴病暴死此皆少陽相火之熱乃心包絡三焦之氣所為也是皆火之變見為諸病也為脈虛則浮大實則洪數藥之所主各因其屬君火者心火也可以溫伏可以水滅可以直折惟黃連之屬可以制之相火者龍火也不可以水濕折之從其性而伏之惟黃柏之屬可以降之噫瀉火之法豈止如此虛實多端不可不察以臟氣司之黃連瀉心火黃芩瀉肺火芍藥瀉脾火柴胡瀉肝火知母瀉腎火此皆苦寒之味能瀉有

餘之火耳若飲食勞倦內傷元氣火不兩立為陽虛之病以甘溫之劑除之如黃芪人參甘草之屬若陰微陽強相火熾盛以乘陰位日漸煎熬為血虛之病以甘寒之劑降之如當歸地黃之屬若心火亢極鬱熱內實為陽強之病以鹹冷之劑折之如大黃朴硝之屬若腎水受傷真陰失守無根之火為陰虛之病以壯水之劑制之如生地黃玄參之屬若右腎命門火衰為陽脫之病以溫熱之劑濟之如附子乾姜之屬若胃虛過食冷物抑遏陽氣於脾土為火鬱之病以升散之劑發之如升麻葛根之屬不明諸此之類而來火之為病施治何所依據故於諸經集畧其說備處方之用庶免實實虛虛之禍也

附脉理

脉理提綱曰火脉洪數虛則浮

附諸方

九味羌活湯 治春夏秋非時感冒風寒發熱惡寒頭疼項強或無汗或有汗以代桂枝麻黃青龍各半湯治太陽經表熱之神藥也此湯非獨治四時風寒春可治溫夏可治熱秋可治濕治雜証亦有神也

六神通解散 治時行三月後謂之晚發頭痛身熱惡寒脉洪數先用九味羌活湯不愈後服此湯 並見胃寒已上一方發散風寒表熱之劑

東垣瀉陰火升陽湯 治肌熱煩熱面赤食少喘咳痰盛

羌活

甘草炙

黃芪

蒼朮各一兩

升麻八錢

柴胡一兩

人參

黃芩各七錢

黃連酒炒

石膏半兩

右咬咀每服一兩或半兩水煎

此藥發脾胃火邪又心

膽肝肺膀胱藥也瀉陰火升發陽氣榮養血氣者也

升陽散火湯治男子婦人四肢發熱肌熱筋痺熱骨髓中熱

發困熱如燎捫之烙手此病多因血虛而得之或胃虛過

食冷物抑遏陽氣於脾土火鬱則發之

升麻

葛根

獨活

羌活各半兩

防風二錢

柴胡

甘草炙

人參

白芍各半兩

甘草生

右咬咀每服半兩或一兩水煎稍熱服

地骨皮散 治渾身壯熱脈長而滑陽毒火熾發渴

地骨皮

茯苓各半兩

黃芩

柴胡

生薑

知母各一兩

石膏二兩

羌活

麻黃

各七錢半有汗並去之

右咬咀每服一兩入姜煎

已上三方升發鬱火表熱之劑

小柴胡湯

見傷寒

柴胡飲子

治解一切肌骨蒸積熱作發寒熱往來

表熱裏和則發

寒裏熱表則發熱邪熱半在表半在裏蓄熱寒戰表之

出入進退無時即寒熱往來陰陽相勝也及傷寒發汗不解或中

正氣與邪熱并蓄於裏脈道不行故身冷脈絕寒戰而久煩渴也

外諸邪熱口乾煩渴或下後熱未愈汗後勞復或骨蒸肺痿喘嗽婦人產後餘疾經病

柴胡

人參

黃芩

甘草

大黃

當歸

芍藥 各半兩

右為末每服抄三錢水一盞生姜三片煎至七分溫服日三服病熱甚者加服之

防風當歸飲子 宜明方治脾腎真陰損虛肝心風熱鬱甚陽勝陰衰和氣上逆上實下虛怯弱不耐或表熱而身熱惡寒或裏熱而躁熱煩渴或和熱半在表半在裏進退出入不已而為寒熱往來或表多則惡寒或裏多則發熱或表之陽分陽和正氣與和相助并甚於裏蓄熱極深而外無陽氣裏熱極甚陽極似陰而寒戰腹滿煩渴者或裏之陰分正氣反助和氣并甚於表則躁熱煩渴而汗出也或和熱壅塞者或煩熱而痛者或熱結極甚陽氣不通而反覺

冷痛或中外熱鬱煩躁甚喜涼畏熱者或熱極閉塞不得宜通陽極似陰中外喜熱而反畏寒者或躁熱煩渴者或濕熱極甚而腹滿不渴者或一切風熱壅滯頭目昏眩暗風眼黑偏正頭痛口乾鼻塞耳鳴及聲咽嗑不利或目赤腫痛口瘡舌痺或上氣痰嗽心脇鬱痞腸胃燥澀小便溺淋悶或是皮膚瘙癢手足麻痺又或筋脉拘急支躄倦怠或渾身肌肉跳動心忪驚悸或口眼喎斜語言蹇澀或狂妄昏惑健忘失志及或腸胃燥熱怫鬱而飢不欲食或濕熱內餘而消穀善飢然能食而反瘦弱或誤服燥熱毒藥及妄食熱物過多而耗損脾腎則風熱鬱甚而多有如此不必全見也無問自病及中燥熱毒藥所使者並宜宜通

氣血調順飲食久服之舊病除去新病不生設虛人常服
補益功驗自可知矣

防風 當歸 白芍 柴胡 黃芩

人參 甘草 大黃各一兩 滑石六兩

右停每服三錢至五錢水一大盞生姜三片同煎至七分
去渣溫服

○廣按此方用大黃瀉陽明之濕熱從大便出用滑石降
三焦之妄火從小使出用黃芩以涼膈柴胡以解肌防
風以清頭目用人參甘草以補氣當歸芍藥以補血瀉
心肝之陽補脾腎之陰而無半味辛香燥熱之謬藥真
治風熱燥熱濕熱挾虛之良劑非聖於醫者其能如是

也耶

溫熱病汗下後餘熱未退用此尤妙

已上三方和解半表半裏熱之劑

大柴胡湯 方見傷寒

防風通聖散 方見中風

已上三方發攻表裏之劑

調胃承氣湯

小承氣湯

大承氣湯並見傷寒

三一承氣湯 見溫熱

已上四方攻下裏熱之劑

清心湯 即涼膈散料內加黃連五錢用蜜與竹葉同煎

連翹 山梔子 大黃 薄荷葉 黃芩各五錢

甘草半 朴硝二錢五分 加黃連半兩

右為細末每服五錢水一盞蜜少許竹葉十片同煎七分

溫服

洗心散 和劑方 治風壅痰滯心經積熱口苦唇燥眼澁多淚

大便秘結小便赤澀

白朮一兩半 麻黃和節 當歸去芦洗 荆芥穗 芍藥

甘草 大黃麩裹煨去麩切焙八錢

右為末每服二錢水一盞生姜薄荷各少許同煎溫服

人參瀉肺湯 秘方 治肺經積熱上喘咳嗽胸脇脹滿痰多

便澀滯

黃芩 梔子 枳殼 甘草炙 薄荷

連翹 杏仁炒去皮 桑白皮炒 大黃 桔梗炒各等分

右以咀每服一兩水二盞煎至一盞去滓食後通口服

三黃湯 和劑治積熱結滯臟腑大便秘結心膈煩燥

黃連去芦 黃芩去腐 大黃煨各等分

右以咀每服四錢水一盞煎至七分空心服

三黃丸 和劑方 治男子婦人三焦積熱咽喉腫閉心膈煩燥

小便赤澀大便秘結並宜服之

黃連去芦 黃芩去土 大黃煨各半兩

右為末煉蜜丸如梧子大每服四十九丸熱水吞下

一方用腦麝為衣丸如大豆大夜間噙化一二丸亦好
含化三黃丸 治症同前 見喉痺

大金花丸 宜明方 治中外諸熱寢汗咬牙時語驚悸瀉血淋
閉咳衄血瘦弱頭痛并骨蒸肺痿喘嗽去大黃加梔子名
曰梔子金花丸又曰既濟解毒丸

黃連 黃栢 黃芩 大黃 各等分

自利去大黃加梔子

右為末滴水丸如小豆大每服二三十丸新汲水下

四生丸 宜明方 治一切熱痰常服潤肌膚諸熱証皆可服

大黃 牽牛 皂角 朴硝 各二兩 半兩

右為末滴水丸如梧子大每服三十丸食後白湯下

黃連解毒湯 宜明方 治傷寒雜病熱毒煩燥乾嘔口渴喘滿

陽厥極深蓄熱內甚 方見溫熱

黃連湯 聖惠方 治一切積熱血熱腹熱酒熱並用

黃連淨不拘多少井水浸之良久碗盛於鍋內煮取清汁
服之

○廣按書云寒因熱用熱因寒用何也蓋積熱用寒藥以
治之痼冷用熱藥以治之恐相遺逆如黃連用姜汁制酒
制如附子用蜜制童便制是也此方既用一味黃連又用
井水浸之不無太過乎以酒代之庶乎妙矣

神芎丸 宜明方 治三焦積熱風痰壅滯頭目赤腫或生瘡癩
咽膈不利或腸胃結燥小便赤澁大便閉塞一切熱証並

宜服之

大黃 生

黃芩 各二兩

牽牛 生

滑石 各四兩

黃連

薄荷

川芎 各半兩

右為末滴水丸如梧桐子大每服五十丸溫水食後下

解毒丸 通玄方治中外諸邪熱毒癰腫瘡疽筋脉拘攣咬牙

驚悸一切熱毒並宜治之

大黃

黃連

黃芩

山梔子

牽牛

滑石 各半兩

石為末滴水丸如梧子大每服三四十九丸溫水送下此即

黃連解毒湯神效方也

全真丹 聖惠方治臟腑積熱洗滌腸垢潤利燥泄解風毒攻

疰手足浮腫或頑痺不仁痰涎不利涕唾稠粘胸膈痞痛
脘腹脹滿飲食減退少困倦無力

川大黃

三兩用米泔水浸過三白每日
換取出切片焙乾為細末用

黑牽牛

八兩淨慢火炒四兩生
用四兩同取頭末四兩

右以皂角一兩輕炒去皮子水一大碗浸一宿入蘿蔔一

兩切片子同皂角一處熬至半碗去滓再熬至二鐘攪

和上件藥末乾濕調勻丸如梧子大每服二三十九至五

六十丸諸飲下隨証加減以利為度

平胃散

三因方

治胃經實熱口乾舌裂大小便秘澁及熱病

後餘熱不除畜於胃中四肢發熱口渴無汗

厚朴

去皮乾炒

射干

米泔浸

升麻

扶苓

各一兩半

芍藥

二兩

枳殼去穢 炒 大黃蒸 甘草炙各 一兩

右咬咀，每服四錢水一盞煎至七分去滓，空心熱服。

八正散 治大人小兒心經蘊熱，咽乾口燥，目赤睛痛，臟腑

秘結，小便赤澀。方見淋閉

已上諸方治三焦鬱火實熱之劑

黃芩湯 治心肺蘊熱，口瘡咽痛，膈悶，小便淋瀝，不利。

澤瀉 梔子仁 黃芩 麥門冬去心 木通

生地黃 黃連 甘草各等分

右咬咀，每服一兩水二盞生姜五片煎至一盞食前溫服。

清心丸 治經絡中火和夢漏心忪恍惚口瘡咽燥。

黃柏生三兩 龍腦三錢

右為末，蜜丸梧子大，每服十丸，臨卧煎麥門冬湯下。

碧雪和劑方 治一切積熱，口舌生瘡，心煩喉閉。

芒硝 青黛 石膏各研末 水飛 寒水石 朴硝

滑石 甘草煎湯 二升 馬牙硝各等分

右將甘草湯入諸藥末，再煎用柳木篦不住，手攪令消溶。

入青黛和勻，傾沙盆內候冷，凝結成霜，研為末，每用少許。

含化津，噤如喉閉不能嚥，用竹筒吹藥入喉中。

玄明粉御藥院方 此藥大治和熱所干，膈上氣滯，臟腑秘澀。

並置眼之以村硝煎過澄濾五七遍，至夜於星月下露，至天

明自然結，作青白塊子，用磁罐子按實於炭火內，從慢

至繁自然成汁，煎沸直候不響，再加頂火，一煨便取出於

淨地上倒下用盆合蓋了以去大毒然後研為細末每二斤入甘草生熟二兩各末一處攪勻臨睡封量用之或一錢二錢以桃花煎湯或葱白湯下

白虎湯 治氣熱見溫熱

四順清涼飲 治血熱見風熱

薄荷煎 御藥院方 治口舌生瘡痰涎壅塞咽喉腫痛

薄荷 一兩取頭末三錢半 川芎 半兩取末二錢 腦子 半錢研 砂仁 半兩取末二錢

右為末入腦子和勻煉蜜成劑任意嚙嚼和劑方無腦子有桔梗

天竺散 經驗方 治臟腑積熱煩燥多渴口舌生瘡咽喉腫痛

山梔子 殼去 連翹 各三錢 甘草 三兩二錢 雞冠雄黃 半錢

瓜蒌 一兩六錢 欒金 用皂角水煮切片焙乾三錢

右為末每服一錢食後臨睡新汲水調下

清氣散 本事方 治氣壅痰涎上膈煩熱

枳殼 川芎 柴胡 前胡 茯苓

甘草 獨活 羌活 青皮 白朮

人參 各等分

右為末每服二錢水一鍾荆芥穗煎七分服

龍腦飲 和劑方 治蘊積邪熱咽喉腫痛心煩鼻衄及痰熱咳嗽中暑煩躁傷寒餘毒發熱並宜用之

縮砂仁 瓜蒌根 各三兩 石膏 四兩 藿香葉 二兩四錢

甘草 六兩 梔子仁 十二兩

右為末每服二錢用新汲水入蜜調下
傷寒餘毒潮熱虛汗除蜜入竹青煎服

龍腦雞蘇丸和劑方消煩渴涼上膈解酒毒除邪熱并治咳嗽唾血吐血諸淋下血胃熱口臭肺熱喉腥腥熱口甜膽熱口苦並宜服之

黃耆去心 麥門冬去心 阿膠炒 蒲黃炒各 人參去心

生乾地黄六兩另研細末 甘草炙一兩 木通二兩同柴

柴胡銀州者二兩和木通以湯雞蘇淨葉一斤即

右除別研藥外並搗為末將好蜜二斤先煉一二沸然後下生乾地黄末不住手攪令勻取木通柴胡汁慢火熬成膏勿令焦然後將其餘藥末同和為丸如黃豆大每服二

十丸嚼破熱水下虛煩消渴驚悸人參湯下咳嗽唾血鼻

衄吐血麥門冬煎湯下惟淋用車前子煎湯下

甘露飲和劑方治胃中客熱牙宣齲腫咽膈乾燥吐氣腥臭

或胃經受濕伏熱在裏身黃如疸亦能治之

枳殼去白麩炒 石斛去心 枇杷葉淨去毛 甘草 乾熟地黄

黃芩 天門冬去心 麥門冬去心 山茵陳

生乾地黄

右以咀每服三錢水一鍾煎至七分食後溫服

滋腎丸按粹方治不渴小便閉和熱在血分也

知母二兩酒浸陰乾 肉桂一錢 黃蘗一兩細剉酒拌炒陰乾

右知母黃栢氣味俱陰以同腎氣故能補而瀉下焦火也

桂與火邪同歸故曰寒因熱用凡諸病在下焦皆不渴也
熱水爲丸百沸湯下

○已上諸方治三焦鬱火虛熱之劑
○風熱 新增

附諸方

定風餅子 簡易方治風客陽經邪傷腠理背脊強直言語蹇
澁躄熱惡寒瘰癧頭痛肉瞶筋惕手顫鼻游及飲酒過多
嘔吐涎沫頭目眩暈常服消風去邪 見傷風
追風散 和劑方治諸風上攻頭疼目眩鼻塞聲重皮膚瘙癢
眉角牽引婦人血風一切頭風並治之

白僵蚕 去絲 嘴炒 荆芥 二兩 石膏 四兩 川烏 炮去皮 騎四兩

防風 去芦 又 四兩 全蝎 炒 一兩 川芎 三兩 麝香 一兩 研 甘草 一兩

右爲末每服半錢食後臨臥茶調下

荆芥丸 楊氏方 治一切風邪上攻頭目咽喉不利或傷風發
熱頭眩鼻塞聲重並皆治之 見傷風

養氣丹 和劑方 治諸虛百損真陽不固上實下虛氣不升降
或咳嗽或喘促一切躄虛氣弱之人婦人血海冷憊諸証
並宜服之

禹餘糧 火煨醋淬 各七次 紫石英 火煨 七次 磁石 火煨醋淬 七次 各半斤

赤石脂 如前法 代赭石 火煨醋淬 七次 一斤

已上五石各以水再研挹其清者置之紙上用竹篩盛之
滴盡水候乾各用瓦瓶盛貯以鹽水紙筋和泥固濟陰乾

以硬炭五十斤分作五處煨此五藥以紙灰蓋之火盡丹
煨如此三次埋地穴內兩日出火毒再研細入後藥

肉蓯蓉

酒洗浸一宿
焙乾一兩半

破故紙

炒

附子

炮一兩

茴香

炒

丁香

木香
不見火

肉桂

去皮

山藥

巴戟

去心
湯浸

白茯苓

皮去
遠志

沒藥

去砂
別研

陽起石

煨別
研

五靈脂

別
研

肉豆蔻

麩
煨

鍾乳粉

另
研

鹿茸

炙
當歸

酒浸一
宿焙乾

沉香

乳香

別
研

朱砂

別研各
一兩

右入前藥同研極勻用糯米糊為丸每兩作五十九陰乾
入布袋內擦令光瑩每服二十九空心溫酒姜鹽湯任下
婦人用艾醋湯下

養正丹

和劑方

治上盛下虛氣不升降元陽虧損氣短身羸

及中風涎潮不省人事傷寒陰盛自汗唇青婦人血海久
冷並治之

水銀

黑錫

去穢淨與水
銀結砂子

硫黃

研

朱砂

研細各
一兩

右用黑蓋一隻火上溶黑鉛成汁次下水銀以柳條撓次下
朱砂攪令不見星子放下少時方入硫黃末急攪成砂和
勻如有痰以醋酒之候冷取出研極細者糯米糊為丸如
菜豆大每服三十粒薑湯棗湯任下

○廣青年初見養氣丹養正丹出證曰治諸虛百損真陽不
足上實下虛氣不升降一切躄弱氣虛之人並宜服之
云者予以為補虛益損之劑無出於此後觀本草集要
曰熱中消中不得服芳草石藥夫芳草之味矣石藥之

四生散 和劑方 治男子婦人肝腎風毒上攻赤眼痒痛蓋明
多淚及下注脚膝生瘡遍身風癩兩耳內痒服之尤效

黃耆 川獨活 蒺藜 沙苑 白附子

右等分爲細末每服二錢薄荷酒調下如腎臟風下疰生
瘡以猪腰子批開入藥末二錢在內合定裹煨熟空心細
嚼用薑酒下

川芎茶調散 和劑方 治諸風上攻頭目昏眩偏正頭疼腦疼

鼻塞声重

大辰砂丸 御藥院方 清頭目化痰涎及感冒風寒鼻塞声重

頭目昏眩項背拘急皮膚瘙癢並皆治之 見傷風

防風散 楊氏方 治頭目不清去風明目

防風 川芎 白芷 甘菊花 甘草

右等分爲末每服二錢食後荆芥湯調下

追風散 瑞竹堂方 治白癩風

何首烏 荆芥穗 苦參 蒼朮 米泔水浸一宿

右件爲細末好肥皂角三斤去皮弦入磁器內熬爲膏和

爲丸如梧桐子大每服三五十九空心酒茶任下忌一切

動風之物

胡麻散 和劑方 治脾肺風毒攻衝遍身皮膚瘙癢或生瘡疥
或生癩疹用手搔時浸湯成瘡久而不差愈而復作面上
遊風或如虫行紫白癩頑麻或腎臟風攻生瘡並宜服之

見癩疹

四神丸 經驗方 治手足頑麻痿延壅盛頭目昏眩肩背拘急
見痰熱

芎朮湯 御藥院方 清神爽志祛風消蘊治頭目昏痛鼻塞聲
重

川芎 二兩 白朮 一兩七錢五分

右以咀每服八錢水一盞半姜五片煎至八分去滓溫服
食後或為細末白湯點服亦得

天麻散 宣明方 治頭項痛頭面腫拘急風傷衛發躁熱

川芎 苦參 地骨皮 細辛 威靈仙

何首烏 薄荷葉 蔓荊子 菖蒲 杜疾藜

牛蒡子 虻蛭草 荆芥穗 防風 已上各半兩

天麻 一兩 甘草 炙二兩

右為末每服三錢用蜜水調下茶酒任下不拘時

防風天麻散 宣明方 治風麻痺走注肢節疼痛中風偏枯或

暴瘡不語內外風熱壅滯并解昏眩 見中風

消毒犀角飲 治大人小兒內蘊邪熱痰涎壅滯或腮項結

核遍身瘡癩並宜治之 見斑疹

一方 治風熱結滯或生瘡癩及金石發熱小腸等熱

用桑椹不拘多少微研以布絞去粗以瓦器熬稀膏量多

少入蜜再熬成稀膏盛于磁器中每服一二匙食後臨臥

以沸湯點服

已上諸方辛平發散之劑

上清散 治上焦熱耳鼻塞頭目不清

川芎 荆芥穗 薄荷葉 各五錢 朴硝

石膏 桔梗 各一兩

右為細末每服一字口噙水鼻內搐之加龍腦三分妙

上清丸 治口舌生瘡咽喉腫痛咳嗽煩熱能清聲潤肺寬

膈化痰爽氣寧神

百藥煎 薄荷 淨末各 縮砂 一兩 片腦 一錢 玄明粉

甘松 桔梗 柯子 硼砂 各五錢 寒水石

右為細末甘草熬膏為丸如梧桐子大每服一丸噙化或

嚼三五丸茶湯下

龍腦丸 宜明方治大人小兒一切蘊熱毒氣不散口舌生瘡

咽喉腫痛及失音癰疹

龍腦 朱砂 硼砂 牛黃 各等分

右為末黃蠟為丸如米粒大每服三五丸浸甘草人參湯

送下

龍腦川芎丸 御藥院方消風化滯除熱消痰通利七竅爽氣

清神

桔梗 半兩 片腦 六錢 縮砂仁 二錢 白豆蔻 五錢

薄荷 去土五兩 三錢 川芎 防風 去芦 甘草 各一兩

右為末煉蜜為丸每兩作二十九丸每服一丸細嚼茶清送

下

當歸龍膽丸 宜明方治腎水陰虛風熱蘊積時發驚悸筋惕

搐搦神志不寧榮衛壅滯頭目昏眩肌肉痲痺胃膈痞塞
咽嗝不利腸胃燥澁小使溺閉筋脉拘急肢體痿弱暗風
癩疾小兒急慢驚風常服宜通血氣調順陰陽病無再作

當歸 焙 草龍膽 山梔子 黃連 黃蘗
黃芩 各一兩 大黃 蘆薈 青黛 各五錢 木香 二錢
麝香 半錢 別研

右為末煉蜜和丸如小豆大小兒如麻子大每服二十九丸生姜湯
送下忌發熱諸物兼服防風通聖散

羌活散 和劑方 治風氣不調頭目昏眩痰涎滯壅遍身拘急
及風邪壅塞頭痛項強鼻塞声重肢節煩痛天陰風雨預
覺不安見傷風

羌活丸 治症同前

旋覆花湯 御藥院方 治風熱則面生赤瘰子腦昏目疼鼻塞
声重面上遊風狀如虫行忌猪肉麪

旋覆花 土法 人參 去芦 柴胡 去芦 赤茯苓 去皮 赤芍藥 皮 去
黃芩 去皮 枳實 麩炒 甘草 各二兩

右咬咀每服一兩水一盞半生姜五片煎至八分去滓食
後溫服

通關散 御藥院方 治風熱上攻頭目筋脉拘急痰涎壅塞肢
節煩疼

羌活 去芦 獨活 去芦 防風 去芦 天麻 去芦 山梔子
大黃 各一兩 滑石 二兩 甘草 一兩

右咬咀每服八錢水一盞半生姜五片煎至八分食後溫服

仙木芎散 宜明方 治風熱壅塞頭目昏眩及明耳目消痰飲清神

川芎 連翹 黃芩 山梔子 菊花

防風 大黃 當歸 芍藥 桔梗

藜香葉 各五錢 蒼朮 石膏 各一兩 甘草

荆芥穗 滑石 薄荷葉 縮砂仁 各二錢五分

右咬咀每服三錢水一盞煎至七分食後通口服

川芎石膏湯 治風熱上攻頭目眩痛咽乾煩渴

防風通聖散 治風熱諸証總劑

○廣按此方治熱風燥二者之總劑也凡熱風燥之為病必於此而取則焉何以言之風本於熱熱極則風生燥生於風風動則燥至是熱風燥二者其實一源流也故此下方而能兼治之觀其用防風麻黃薄荷荆芥使熱邪從玄府出也用梔子滑石使熱邪從小便出也用大黃朴硝使熱邪從大便出也其餘黃芩散肺火連翹散胃火石膏散胃火芍藥散脾火川芎當歸和血潤燥白朮甘草補脾和中桔梗開膈並無一味辛香燥熱之藥可謂善於處方矣故於熱風燥三者之証百發百中無施而不可非聖於醫者其能是歟

愈風丹

瑞竹堂方

治諸般風証偏正頭痛

防風通聖散

四物湯

黃連解毒湯各二料

加羌活

何首烏

細辛

菊花

天麻

獨活

薄荷各一兩

右為末煉蜜為丸如彈子大每服一九細嚼茶清下不拘時

荊黃湯和利方治風熱結滯或生瘡癩

荊芥四兩

大黃二兩

右以咀每服五錢水一鍾煎至六分空心服

涼膈散和劑方治大人小兒臟腑積熱口舌生瘡痰實不利

煩燥多渴腸胃秘澀便溺不利見溫熱

連翹四分

甘草

川大黃

朴硝各二錢

薄荷

黃芩

山梔子各一錢

右水二鍾竹葉七片蜜少許同煎一鍾食後服

既濟解毒湯 治上熱頭自赤腫而痛腹中積滯胸滿因臥

大便微秘多

大黃

酒煨

黃連

酒炒

黃芩

酒炒

甘草

炙

桔梗

各一錢

柴胡

升麻

連翹

當歸身各一錢

右每服水二鍾煎一鍾食後溫服

洗心散 治風壅痰滯心經積熱口苦唇燥眼澀多淚大便

秘結小便赤澀見火類

犀角地黃湯 治風熱大甚眼赤目痛喉閉口瘡丹毒見吐血

四順清涼飲 治一切積熱丹毒并喉嚨熱痛

當歸去芦 甘草炙 赤芍藥 大黃各等分

右每水一鍾煎食後溫服每服五錢

牛黃清心丸和劑方治諸風緩縱不隨語言蹇澁心怔健忘
恍惚去來頭目眩暈育中煩鬱痰涎壅塞精神昏憤又治
心氣不足神志不定驚恐怕怖悲憂慘戚虛煩少睡喜怒
無時或發狂顛神思昏亂見中風

○已上諸方辛涼外散內消之劑

○廣按宜明論云夫熱風之體也曲直動搖風之用也風
生於熱以熱為本而風為標凡言風者即風熱病也又
按錢氏小兒論云肝有風目連劄不搖得心熱則搖以

此論之凡病掉眩強直之謂風風則不離乎熱也熱火
燄之上搖則熾風之象矣 又按古方不分風之從外
入由內起一槩曰風今予分之外入則曰中風傷風冒
風內起則曰風熱外入治以辛溫外散內起則治之以
辛涼內消庶得其病機治法也

吐血 四十四

丹溪心法

○吐血陽盛陰虛故血不得下行因火炎上之勢而上出脉
必大而芤大者發熱芤者血滯與失血也 大法補陰抑火
使復其位用交趾桂五錢為末冷水調服 山梔子最清胃
腕之血 吐血覺胸中氣塞上吐紫血者桃仁承氣湯下之

先吐紅後見痰嗽多是陰虛火動痰不下降四物湯為主
加痰藥火藥先痰嗽後見紅多是痰積熱降痰火爲急
痰嗽涎帶血出此是胃口清血熱蒸而出重者梔子輕者薑實
或暴吐紫血一碗者無事吐出爲好此熱傷血死於中用四
物湯解毒湯之類 吐血挾痰積吐一二碗者亦只補陰降
火四物湯加火劑之類 挾痰若用血藥則泥而不行只治
火則止吐血火病也 大吐紅不止以乾姜炮末童便調從
治 喉腕痰血荆芥散妙舌上無故出血如線不止以槐花
炒末乾擦之 若吐血一方童便一分酒半分搗栢葉溫飲
非酒不行 嘔吐血出於胃也實者犀角地黃湯主之虛者
小建中湯加黃連主之

入方

三黃補血湯

治初見血及血多宜服

熟芩 一錢

生芩 半錢

當歸 七分

柴胡 五分

升麻

芍藥 二錢

牡丹皮 五分

川芎 七分

黃芪 五分

右以水煎服

血不止可加桃仁半錢酒大黃斟酌虛實

用之內却去柴胡升麻

又方

治見血後脾胃弱精神少血不止者

人參 一錢

黃耆 二錢

五味 粒

芍藥

甘草 五分

當歸 五分

麥門冬 五分

右以水煎服

加鬱金研入亦可

又方

人參

白朮

茯苓

陳皮各一錢 甘草

半夏麴

川芎各五分

青皮

神麴各三分

右吹咀水煎服

如胃不和加藿香如渴者加葛根半

錢若痰結塊者加貝母一錢黃芩半錢去白陳皮半錢

若小便赤色加炒黃柏五分若大便結燥加當歸七

分心煩加黃連酒拌曬乾五分若小便滑加煨牡蠣

若見血多去半夏恐燥加生芩一錢牡丹五分桃仁三

分若胃中不足飲食少進加炒山梔仁八分若血溢

入濁道留聚膈間滿則吐血蘇子降氣湯加人參阿膠各

五分上膈壅熱吐血者以四物湯加荆芥阿膠各五分

更不止於本方中加大黃滑石各五分胃傷吐血宜理

中湯加川芎乾葛各五分此是飲酒傷胃也吐血不止用

生茜根為末二錢水煎放冷食後服良白芨末調服治

吐血

已上諸方雖非丹溪所出以其藥同故附錄於前

附諸賢論

劉宗厚曰經云榮者水穀之精也和調五臟洒陳於六腑乃能入於脉也源源而來生化於脾總統於心載受於肝宣布於肺施泄於腎灌溉一身目得之而能攝掌得之而能握足得之而能步臟得之而能液腑得之而能氣是以出入升降濡潤宣通者由此使然也注之於脉少則瀦克則實常以飲食日滋故能陽生陰長取汁變化而赤為血也

生化旺則諸經恃此而長養衰耗竭則百脉由此而空虛
可不知謹養哉故曰血者神氣也持之則存失之則亡是
知血盛則形盛血弱則形衰神靜則陰生形役則陽克陽
盛則陰必衰又何言陽旺而生陰血也蓋謂血氣之常陰
從平陽隨氣運行於內苟無陰以羈束則氣何以樹立故
其致病也易調治也難以其比陽常虧而又損之則陽易
亢陰易乏之論可以見矣諸經有云陽道實陰道虛陰道
常之陽常有餘陰常不足以人之生也年至十四而經行
至四十九而經斷可見陰血之難成易虧如此陰氣一傷
所變之證妄行於上則吐衄衰洩於外則虛勞妄行於下
則便紅稍熱膀胱則癃閉溺血滲透腸間則為腸風陰虛

陽搏則為崩中濕蒸熱熱則為滯下熱極腐化則為膿血
火極似水血色紫黑熱勝於陰發為瘡瘍溫滯於血則為
痛痒癢疹皮膚則為冷痺畜之於上則人喜忘畜之於下
則人喜狂墮悲跌仆則癩惡內疑若分部位身半已上同
天之陽身半已下同地之陰此特萃其所顯之証者治血
必血藥之屬欲求血藥其四物之謂乎河間謂隨證輔佐
謂之六合湯者詳言之矣余故陳其氣味專司之要不可
不察夫川芎血中氣藥也通肝經性味辛散能行血滯於
氣也地黃血中血藥也通腎經性味其寒能生真陰之虛
也當歸分三治血中主藥也通肝經性味辛溫全用能活
血各歸其經也芍藥陰分藥也通脾經性味酸寒能涼血

治血虛腹痛也若求陰藥之屬必於此而取則焉脾胃論
有云若善治者隨經損益摘其一二味之所宜為主治可
也此特論血病而未血藥之屬者也若氣虛血弱又當從
長沙血虛以人參補之陽旺則生陰血也若四物者獨能
主血分受傷為氣不虛也輔佐之屬若桃仁紅花蘇木血
礪牡丹皮者血滯所宜蒲黃阿膠地榆百草霜棕櫚灰者
血崩所宜乳香沒藥五靈脂凌霄花者血痛所宜茯苓瑣
陽牛膝枸杞子益母草夏枯草敗龜板者血虛所宜乳酪
血液之物血燥所宜乾姜桂者血寒所宜生地黄苦參血
熱所宜特取其正治太畧耳若能觸類而長可謂應無窮
之變矣

附脉理

脉訣舉要曰諸証失血皆見乳脉隨其上下以驗所出大凡
失血脉貴沉細設見浮大後必難治

附諸方

犀角地黄湯 治傷寒汗下不解鬱于經絡隨氣滯泄為衄
血或溝道閉塞流入胃腹吐出清血如鼻衄吐血不盡餘
血停留致面色痿黃大便黑者更宜服之

犀角 鎊

生芩

白芍

牡丹皮

各等分

右咬咀每服五錢水煎溫服實者可服

桃仁承氣湯

芒硝

桂 各三錢

甘草 二錢五分

大黃 一兩

桃仁五錢去皮尖

右咳嗽每服一兩入姜同煎

黃連解毒湯見溫熱

三黃丸治積熱吐血咽膈不利見火類

犀角地黄湯按粹方主脉浮客脉沉淨芤相合血積胸中熱

之甚也血在上焦此藥主之

生地黃二兩黃連二兩黃芩各一兩大黃半兩

右咬咀每服一兩水二鍾煎至一鍾食後通口服

四生丸良方治吐血衄血陽盛於陰血熱妄行

生荷葉 生艾葉 生栢葉 生地黃各等分

右研爛丸如鷄子大每服一丸水三鍾煎至一鍾瀝過溫

服

藕汁散濟生方治吐衄不止

生藕汁 生地黃汁 大蘇汁各三合生蜜半匙

右件藥汁調和令勻每服一小鍾不拘時服

雙荷散聖惠方治卒暴吐血

藕節七箇荷葉頂七箇

右同蜜搗細水二鍾煎八分去滓溫服或研末蜜調下

枇杷葉散治暑毒攻心嘔吐鮮血方見中暑

○已上數方治內實吐血之劑

小建中湯

桂枝 甘草炙三錢大棗三箇白芍六錢生姜一錢

阿膠炒一合

右以咀水煎

荆芥散

荆芥穗半兩 甘草一兩 桔梗二兩

右以咀姜煎食後服

大阿膠丸和劑方 治肺虛客熱咳嗽咽乾多唾涎沫或有鮮

血勞傷脾胃吐血嘔血並皆治之

麥門冬去心半兩 茯神 栢子仁 百部根 杜仲炒

丹參 貝母 防風各五錢 遠志 人參各二分

茯苓 乾山藥 熟地黃 阿膠 五味子各二分

右為末煉蜜丸如彈子大每服一丸水煎一分和查服

必勝散和劑方 治男子婦人血妄流溢或吐或咳衄血

小劑并根用 人參 蒲黃 當歸去芦 熟地黃

川芎 烏梅去核各一兩

右以咀每服四錢水一鍾煎七分温服不拘時

龍腦鷄蘇丸 治膈熱咳嗽或吐血衄見火類

茯苓補心湯 治心虛為邪氣所傷吐血見咳血

是齋白朮散簡易方 治積熱吐血咳血若因飲食過度負重

有傷脾胃而吐血者最宜服之惟忌食熱麪煎燻一切發

風之物

白朮二兩 人參去芦 白茯苓去皮 黃芪蜜浸各一兩 山藥

百合去心各七錢半 甘草炙半兩 柴胡 前胡各三錢半

右吹咀每服三錢水一鍾姜二片棗一枚煎六分溫服

歸脾湯 治思慮傷脾不能統攝心血以致反行或吐血下

血身見健忘

天門冬湯 濟生方 治思慮傷心吐血衄血

遠志去心并草水煮 白芍藥 天門冬去心 麥門冬去心 黃芪去芦

藕節 阿膠蛤粉炒 沒藥 當歸 生地黃各兩

人參 甘草炙各五錢

右吹咀每服四錢水一鍾姜五片煎六分不拘時溫服

加味理中湯

乾姜炮 人參 白朮各二兩 甘草 葛根各半兩

右吹咀每服三錢水一鍾煎七分溫服不拘時

麥門冬飲子 按粹方 治脾胃虛弱氣促氣弱精神短少

吐血身

人參五錢 五味子五錢 紫苑一錢半 黃芪 芍藥

甘草各一錢 當歸身 麥門冬各五分

右吹咀作一服水煎食後服之

團參丸 治吐血咳嗽服涼藥不得者

人參 黃耆 飛羅麩各一兩 百合五錢

右為末滴水為丸如梧子大每服二十丸茅根湯下

辰膠散 經驗方 治大人小兒吐血

阿膠炒 蛤粉各一兩 辰砂少許

右為末藕節搗汁和蜜調下食後服

側柏散 治內損吐血下血因酒太過勞傷於內血氣妄行其出如湧泉口鼻皆流浪更不救服此即安又治男子婦人九竅出血

側柏葉 一兩五錢蒸乾 人參 去芦一兩 荆芥穗 一兩燒灰

右為末每服三錢入飛羅麩三錢拌和汲水調粘空心服

一方 治吐血

用生地黄五斤搗汁生蜜二斤半以尾錫器盛貯於鍋內重湯桑柴火煮三日三夜取出入人參末四兩茯苓末六兩冷勻不拘時候以熱湯點服下名瓊玉膏

一方

用柏葉一握乾姜二斤阿膠二挺炙水二鍾煎至一鍾去粗頭服

粗頭服

芎藭湯 濟生方 治一切失血過多眩暈不甦

芎藭 當歸 去芦酒浸各等分

右以咀每服四錢水二鍾半煎至七分溫服不拘時

四物湯 見補損 治失血過多加柏葉煎服

理中湯 見中寒

蘇子降氣湯 見痰類

○已上諸方治內虛吐血之劑

一方 治酒色傷心肺口鼻俱出血

用荆芥燒灰置地上出火毒為末每服二錢陳米湯下

一方 治大人吐血及傷酒食醉飽低頭掬重損傷吐血至多
多汗血妄行口鼻血出但声未失者投之無不效
百草霜 即鍋底上黑灰外人蒙者妙

右為末每服三錢米飲調下或井花水調下三服即愈若
鼻衄用下捻吹入鼻中立效

○皮肉破處及灸瘡出血百般用藥不止搽半錢或一字
立止

一方 治吐血

用好墨為末每服一錢以白湯化阿膠清調服

一方 用血餘燒灰為末每服二錢冷水調下

○如鼻衄以竹管吹入鼻中即止

一方 治吐血咯血

用藕節搗汁飲之

一方

用稻葉瓦上焙乾為末每服二錢食後米飲調下

一方

用大黃末每服一錢以生地黄汁一合水半鐘煎四五沸
溫服即愈

一方 治飲酒過多蘊熱胸膈以致吐血

葛花 二兩 黃連 四兩

右為末以大黃末熬膏于丸如梧桐大每服一百丸溫湯

下或煎服亦可 吐衄証若脉滑數難治

○已上諸方止血承血之劑

○廣按氣血屬陰喜靜者也若夫動靜有常則氣血調均陰陽和順何病之有哉今也六淫侵于外七情戕于中動過於靜陽勝乎陰則氣有餘而血不足也丹溪曰氣有餘便是火火性急暴燔灼經絡則血沸騰而錯經妄行爲咳血嘔血咯血衄血溺血下血之所由也况血爲氣之依附若是血敗散枯涸則氣失依附而發越矣不死何待可不畏哉治療大法以苦甘寒藥散火涼血爲君以酸澁藥止塞其源或以甘溫藥收補其後如此病之不愈者未之有也 又按丹溪正法吐血條已兼咳

嘔咯衄四者附方嘔血衄血通用

咳血 四十五

戊集

丹溪心法

○咳血 火升 痰盛 身熱多是血虛四物湯加減用

戴云咳血者嗽出痰內有血者是嘔血者嘔全血者是咯血者每欬出皆是血痰咯衄血者鼻中出血也溺血者小便出血也下血者大便出血也雖有各色分六俱是熱証但有虛實新舊之不同或妄言爲寒者誤也

入方

青黛 瓜蒌仁 訶子 海粉 山梔
右爲末以蜜同姜汁丸噲化欬甚者加杏仁去皮尖後以

八物湯加椒調理

附諸方

黃芪散 治欬成勞

甘草 四錢 黃芪

麥門冬 熟芋

桔梗

白芍 各五錢

右咳嗽每服五錢水煎

茯苓補心湯 三因湯 治心氣虛耗不能藏血以致面色黃瘁

五心煩熱咳嗽唾血 及婦人懷妊惡阻嘔吐亦宜治之

半夏 湯泡 七次 前胡 白茯苓 人參 各七錢 紫蘇

枳殼 麩炒 桔梗 甘草 炙 乾葛 陳皮 各五錢

當歸 一兩 熟地黃 一兩 白芍藥 二兩 川芎 七錢 五分

右咳嗽每服四錢水一鍾姜三片棗一枚煎七分食後溫

服

鷄蘇丸 按粹方 治虛熱昏冒倦怠下虛上壅嗽血衄血

鷄蘇葉 八兩即金 黃耆 防風 荆芥 各一錢薄荷

桔梗 川芎 甘草 菊花 生芋 各半兩

片腦 五分

右為末煉蜜丸如彈子大每服一丸用麥門冬去心煎湯

送下 又治肺損吐血日漸乏力衰弱行步不得促嗽痰

涎飲食不美或發寒熱小便赤澀加車前子三錢用桑枝

剉炒香煎湯嚼下

經効阿膠丸 濟生方 治嗽血唾血

丹溪心法附錄卷一
當歸地黃湯 宣明方 治嗽血衄血大小便血或婦人經候不調月水過多喘嗽並見癆瘵

人參芎歸湯 直指方 治虛勞少血津液內耗心火炎燥熱乘肺金咳嗽咯血及血不榮肌肉動輒毛寒咳嗽

當歸 川芎 白芍藥 各五錢 人參 半夏 製

橘紅 阿膠 炒 赤茯苓 細辛 北五味

甘草 各二錢五分

右吹咀每服八錢水二鍾姜二片煎一鍾食後溫服

一方 治咳嗽

用新綿燒灰半錢食後好酒調服

一方

用栢葉尾上焙乾爲末每服三錢食後米飲調下

嘔血 四十六

丹溪心法

○嘔血火載血上歸經妄行 脉大發熱喉中痛者是氣虛

用參芪蜜炙黃栢荆芥當歸生地黃用之 嘔血用韭汁童

便姜汁磨鬱金同飲之其血自清 火載血上歸經妄行用

四物湯加炒山柘童便姜汁服 又方山茶花童便姜汁酒

服 又鬱金末治吐血入姜汁童便良 又一方用韭汁童

便二物合用鬱金細研和服 又方治吐血或衄血上行用

鬱金如無用山茶花代姜汁童便和好酒調服即止後以犀

角地黃湯加鬱金 怒氣逆甚則嘔血暴瘳內逆肝肺相搏

血溢鼻口但怒氣致血証者則暴甚故經曰抑怒以全陰者是也否則五志之火動甚火載血上錯經妄行也用柴胡黃連黃芩黃芪地骨生熟苧白芍以水煎服虛者以保命生地黄散再加天門枸杞甘草等分水煎服

附諸方

一方 治嘔血

黃柏 蜜炙

右搗為末煎麥門冬湯調二錢七立瘥

聖惠方 治嘔血

側柏葉 或晒乾或陰乾或居焙乾

右為末不計時以米飲調下一錢七

保命生地黄散 治諸見血無寒吐血衄血下血瀉血

生地黄 熟地黄 枸杞子 地骨皮 天門冬 去心

續黃耆 白芍藥 甘草 炙 黃芩 各等分

右吹咀每服一兩水二鍾煎至一鍾去滓食前通口服脈微身涼加減每一兩加官桂伍分

大薊散 濟生方 治飲啖辛熱傷於肺經嘔血出血各曰肺疽

大薊根 洗 犀角 鎊 升麻 桑白皮 炙 蒲黃 炒

杏仁 去皮尖 各一兩 甘草 炙 五錢 桔梗 炒 一兩

右吹咀每服四錢水一鍾姜五片煎至八分溫服不拘時咯血 四十七 附痰涎血

丹溪心法

○咯血痰帶血絲出者用姜汁青黛童便竹瀝入血藥中用
如四物湯加地黃膏牛膝膏之類
咯唾血出於腎以天門
冬麥門冬貝母知母桔梗百部黃栢遠志熟苧牡蠣姜桂之
類
痰涎血出於脾以葛根黃芪黃連芍藥當歸甘草沉香
之類主之

又方 治痰中見血

白朮一錢五分 當歸一錢五分 芍藥一錢五分 牡丹皮一錢五分 桃仁一錢五分
山梔炒黑八分 桔梗七分 貝母一錢 黃芩八分 甘草二分
青皮五分

右以水煎服

又方 治痰中血

白朮一錢五分 牡丹皮一錢五分 貝母一錢 芍藥一錢
桑白皮一錢 山梔炒黑一錢 桃仁一錢 甘草三分

右以水煎服

又方 治痰中血

橘紅二錢 半夏一錢 茯苓一錢 甘草三分 白朮一錢
枳殼一錢 人參五分 五味十五箇 桑白皮一錢 黃芩一錢

又方

橘紅一錢五分 半夏一錢 茯苓一錢 牡丹皮一錢 貝母一錢
桃仁各一錢 黃連七分 甘草一錢 大青各五分

右以水煎生薑三片

附諸方

治咯血_ラ

荷葉 不拘多少焙乾

右爲末米湯調二錢_七

又方 治咯血及衄血_ラ

白芍藥 一兩 犀角末 二錢半

右爲末新汲水服一錢_七血止爲限_下

又方 治咯血_ラ

桑白皮 一錢五分 半夏 一錢炒 知母 貝母 茯苓 各一錢

阿膠 五分炒 桔梗 七分 陳皮 一錢 甘草 杏仁 各五分炒

生芋 一錢 山梔 七分 柳桂 二分即桂之嫩小枝條也宜入治上焦

右以水煎生姜三片

天門冬丸 本事方治吐血咯血大能潤肺止嗽_ラ

天門冬 一兩 甘草 白茯苓 阿膠 杏仁 炒

貝母 各五錢

一右爲末煉蜜丸如梧桐子大每服一丸熱津含化日夜用十九_ラ

雞蘇散 濟生方治勞傷肺經嚙內有血咽喉不利_世

雞蘇葉 黃耆 生地黃 洗淨 阿膠 貝母

白茅根 各二兩 桔梗 去芦 麥門冬 去心 甘草 炙各五錢

右吹咀每服四錢水一鍾姜三片煎七分溫服_ス

槐花散 朱氏集驗方治咯血失血_ラ

用槐花炒為末每服二錢糯米飲下仰臥

黃連阿膠丸 濟生方 治勞嗽并嗽血唾血見痢類

恩抱散 治咯血吐血唾血及煩燥欬嗽

生蒲黃 乾荷葉 茅根 各等分

右為末每服三錢濃煎桑白皮湯食後溫服

衄血 四十八

丹溪心法

衄血涼血行血為主大抵與吐血同 用山茶花為末童

便姜汁酒調下 犀角生地黄湯入鬱金同用加黃芩升麻

犀角能解毒 又以鬱金末童便姜汁并酒調服 經血逆

行或血暈或吐血或唾血用韭汁服之立效 治血汗血衄

以入中白新尾上火逼乾入射香少許研細酒調下經驗人

中白即溺盆白溼秋石也 衄血出於肺以犀角升麻梔子

黃芩芍藥生地黄紫苑丹參阿膠之類主之 原病或曰衄

者陽熱拂鬱于於足陽明而上熱則血妄行故病衄也

附諸方

河間生地黄散 治鬱熱衄血或咯吐血皆治之

枸杞 柴胡 黃連 地骨 天門冬

白芍 甘草 黃芩 黃芪 生芩

熟芩 各等分

右咬咀水煎服 若下血加地榆

又方 治衄血

丹溪心法附錄卷上

伏龍肝 半升即鉛
心竈土

右以新汲水一大碗淘取汁和蜜頓服

茜根散 治鼻衄不止

茜根 阿膠蛤粉炒 黃芩 側柏葉 生芩各一兩

甘草 各半兩

右以水煎服加姜三片

黃芩芍藥湯 治鼻衄不止

黃芩 芍藥 甘草

右以水煎服 或犀角地黄湯如無犀角以升麻代之

○鼻通於腦血上溢於腦所以從鼻而出凡鼻衄並以茅花調止衄散時進浙二泔仍令以麻油滴於鼻或以蘿蔔

汁滴入亦可又茅花白芍藥對半尤好 外迎法以并花

水濕紙頂上貼之 左鼻衄以線扎左手中指右出札右

手中指俱出兩手俱扎 或炒黑蒲黃吹鼻中或龍骨末

亦可

止衄散

黃芪 六錢 赤茯苓 白芍藥 當歸 生芩

阿膠 各三錢

右為末每服二錢食後黃芪湯調下

芎附散

川芎 二兩 香附 四兩

右為末每服二錢茶湯調下

丹溪心法附錄卷上

四二

○廣按血証須要涼血散火此藥既非涼血又非散火何也蓋血病用血藥而不効者以其血之所藏無以養也夫心主血肝藏血此方用川芎所以和血通肝而使血歸於肝臟也用香附所以開鬱行氣而使火散經絡也血歸火散何病之不止哉

黃芩芍藥散 按梓方 治虛家不能飲食衄血吐血

黃芩 芍藥 甘草 各等分

一法加生姜黃耆

右水煎服 此藥治傷寒衄血吐血嘔血

茜梅丸 本事方 治衄血無時

茜根草 艾葉 各一兩 烏梅肉 炒乾 半兩

右為末煉蜜丸如梧桐子大每服三十丸烏梅湯下

生地黃湯 直指方 治上熱衄血

生地黃 淨一兩 阿膠 炒一兩 川芎 桔梗 蒲黃

甘草 生各五錢

右吹咀每服八錢水一鍾半入生薑汁二匙煎至八分去滓溫服

麥門冬飲 直指方 治鼻衄

白芍藥 蒲黃 各二錢 生姜 錢一 生地黃 三錢 麥門冬 去心 二錢

右吹咀蜜一合水一鍾半煎至八分作二服

川芎三黃散 直指方 治實熱衄血

大黃 濕紙 煨 川芎 黃連 黃芩 各等分

丹溪心法附錄卷十一 四十一

右爲末每服二錢井水調下食後

生地黄湯 經驗方 治榮中有熱及肺壅鼻衄生瘡一切丹毒等疾

生地黄 赤芍藥 當歸 川芎 各等分

右咬咀水二鍾煎至一鍾去滓食後溫服 若鼻衄加蒲

黃生瘡加黃芩丹毒加防風

清肺飲 試効方 治衄血吐血久不愈者

五味子 麥門冬 當歸身 人參 生地黄 各五分

黃耆 二錢

右咬咀作一服水二鍾煎至一鍾去滓食後溫服 用三

稜針氣衝出血立愈

地黄飲 按粹方治衄血往來久不愈甚効

生地黄 熟地黄 枸杞子 地骨皮 各等分

右爲末每服一錢蜜湯調下日三服

麥門冬飲子 濟生方 治衄血不止

麥門冬 生地黄 各等分

右剉每服一兩水煎

黃連散 經驗方 治大人小兒盛熱乘於血血隨熱氣散溢於

鼻者謂之鼻衄凡血得寒則凝溢結聚得熱則流散妄行

黃連 黃芩 栝葉 甘草 各等分 豆豉 粒三十

右咬咀每服一兩水二鍾煎至一鍾去滓食後通口服

生地黄湯 治鼻衄昏迷不省

用生地黄三五斤取汁服之以渣塞鼻中須臾即止

白芨散 治鼻衄不止

用白芨不以多少為末冷水調貼鼻竅下寸金散 治鼻衄不止

玉馬鬃 即牆上舊草 甘草各二錢 黃藥子半兩

右為末每服二錢新及水調下不止再服

射香散 御藥院方 治鼻衄不止

白礬 枯過另研 白龍骨 粘舌者另研各五錢 射香 五分

右三味拌和勻每用一字先將冷水洗淨鼻內血滯然後吹藥於鼻中或以濕紙燃蘸藥鼻內尤妙

龍骨散 三因方 治鼻衄過多

用白龍骨不拘多少研為末用少許吹入鼻中凡九竅出血皆可用此藥吹之

山梔散 朱氏集驗方 治鼻衄不止

用山梔子不以多少燒為末少許吹入鼻中

黑神散

用百草霜為末用少許吹入鼻中立刻

一方 治鼻血不止

用頭髮燒灰以竹管吹入鼻中即止或以酒調亦可

一方

用新採百葉搗水服之即止

一方 治鼻衄及酒疽黃沙淋

用萱草根搗汁一鍾生姜汁半鍾相和時時細啣

一方

用生姜汁磨好墨滴鼻中

一方

用茆花塞鼻中外用茆花濃煎湯服

瀉血 四十九

戊集

丹溪心法

○瀉血屬熱 用炒山梔子水煎服或用小薊琥珀 有血
虛四物加牛膝膏 實者用當歸承氣湯下之 後以四物加
山梔

入方

小薊飲子 治下焦結熱血淋

生芩

小薊

滑石

通草

淡竹葉

蒲黃 炒 藕節

當歸 酒浸

梔子 炒

甘草 炙各半兩

右用水煎空心服

附諸方

許令公方 治尿血

生地黄汁一合

生姜汁一合

右以二物相合頭服

當歸承氣湯

當歸

厚朴

枳實

大黃

芒硝

右剉水煎

當歸散 大全良方 治婦人小便出血或時尿血

當歸 羚羊角屑 赤芍藥 各半兩

生地黄 兩 刺薊葉 七錢半

右以咀 每服八錢水一鍾半煎至八分去滓通口服食前

一方 治小便出血

用當歸四兩酒三升煮一升頓服

一方

用琥珀為末每服二錢灯心薄荷湯調下

鹿角膠凡 消生方 治房屋勞傷小便尿血

鹿角膠 五錢 沒藥 另研 油頭髮灰 各三錢

右為末用茅根汁打糊丸如梧子大每服五十丸鹽湯送

下

六味地黄丸 治老人尿血 見補損

瑞竹堂蒲黃散

故紙 炒 蒲黃 炒 十年石灰 炒

右等分為細末每服三錢空心熱酒調下 此劫劑也

下血 五十

丹溪心法

○下血其法不可純用寒涼藥必於寒涼藥中加辛味為佐久不愈者後用濕劑必致升舉藥中加酒浸炒涼藥如酒煮黃連丸之類寒因熱用故也 有熱因物加炒山梔子升麻秦艽阿膠珠去大腸濕熱 屬虛者當溫散四物加炮乾姜

升麻 凡用血藥不可單行單止也
入方

白芷 五倍子

右為末，粥丸如梧子大，每服五十丸，米湯下。

附脉理

脉訣舉要曰：便血則訖數則赤黃，實脉癢閉熱在膀胱。
附諸方

黃連香薷飲 治伏暑純下鮮血，見中暑

敗毒散 治風熱流入大腸經下血不止，見傷風

胃風湯 治風濕乘虛入於腸胃，或下瘀血，見痢類

槐花散 治腸胃有濕脹滿下血

蒼朮 厚朴 陳皮 當歸 枳殼 各一

槐花 二兩 甘草 烏梅 各半兩

右以水煎空心服

當歸和血散 裁粹方 治腸癖下血濕毒下血

槐花 青皮 各六錢 當歸身 升麻 各二錢 荆芥穗

熟地黃 白朮 各六分 川芎 四分

右為末，每服二三錢，清米飲調下，食前。

升麻去濕和血散 裁粹方 治腸癖下血作瀉，其血啣出，有力

而遠射，四散如篩，春二月中下，一行腹中大作痛，乃陽明

氣衝熱毒所作也，當去濕毒和血而愈。

生地黃 牡丹皮 生甘草 各五錢 熟甘草 黃耆 各一

當歸身 熟地黃 蒼朮 秦艽 肉桂 各三分

橘皮 升麻 各七分 白芍藥 一錢五分

右咬咀作一服水四鍾煎至一鍾稍熱空心服

黃連湯 按粹方 治大便後下血腹中不痛者謂之濕毒下血

黃連 當歸 各五錢 甘草 炙一錢五分

右咬咀每服一兩水二鍾煎至一鍾食前通口服

○已上諸方治濕毒下血之劑

香蓮丸 冷熱不調下血如痢 見痢類

聚金丹 楊氏方 治腸胃積熱或酒毒大便下血腹中熱痛煩

治脉弦數

黃連 四兩酒炒一兩姜汁炒一兩 黃芩 防風 各一兩

右為末煑麩糊丸如梧子大每服五十九丸米泔浸根殼水

下不拘時

芍藥黃連湯 保命集 治大便後下血腹中痛謂之熱毒下血

芍藥 黃連 當歸 各五錢 淡桂 五分 甘草 炙二錢

大黃

右每服一兩水二鍾煎至一鍾服如痛甚調木香檳榔末

一錢服

阿膠湯 按粹方 治傷寒熱毒入胃下痢膿血

黃連丸 治飲酒過多下血不止

黃連 二兩 赤茯苓 阿膠 炒各一兩

右用黃連茯苓為末調阿膠象手丸每三十丸食後米飲

芍藥湯 板粹方 行血調氣 澁而便膿血 知氣行而血止 行血

則便自愈 調氣則後重除 見痢類

涼血地黄湯 板粹方 如飲食不節 起居不時 者陰受之 陰受

之 則入五臟 入五臟 則填滿閉塞 下為食泄 久為腸癖 者

水穀與血 另作一派 即出也 特入值 夏濕熱大盛 正當各

氣勝而主氣弱也 故腸癖之証 甚以此藥 主之

熟地黄 當歸 青皮 槐花 炒各五分 知母 炒

黃栢 去皮炒 各一錢

右以咀 作一服 水一鍾 煎至七分 溫服 如小便澀 臍下悶

或大便後重 調木香 枳榔 末各五分 稍熟 空心服 或食前

服 如裏急後重 又不去者 宜下之 如有傳變 隨証加減

已上 諸方 熱毒下血之劑

伏龍肝散 三因方 治先糞後血 謂之遠血 愈止吐衄

伏龍肝 半斤 甘草 炙 白朮 阿膠 黃芩

乾地黄 各三兩 十金 方作乾姜

右以咀 每服四錢 水一鍾 煎空心服 虛者加附子

竹茹湯 大全良方 治婦人汗血 吐血 尿血 下血

竹茹 熟地黄 各二兩 人參 白芍藥 桔梗

川芎 當歸 甘草 炙 桂心 各一兩

右以咀 每服一兩 水二鍾 煎至一鍾 食後通口服

剪紅丸 濟生 治臟腑虛寒 下血不止 面色痿黃 日久齋瘦

丹溪心法 針灸卷十一

四九

側栢葉外 黃鹿茸久去毛 醋煮

附子炮去 川續斷酒 黃耆

阿膠蛤粉 白礬枯半

當歸去芦酒浸

右為末醋煮米糊丸如梧子大每服七十九空心米飲下
○廣按本方出証云治臟腑虛寒下血不止夫血証乃火
使之然言虛則可言寒則不可也丹溪云下血久不愈
者後用溫劑此方正合其義東垣云勞者溫之損而溫
之損而不溫何能愈哉此方乃溫補之義非溫寒之說
也

已上諸方治久虛下血之劑

醫師固榮散 治吐血便血

白芷半兩 真蒲黃兩 甘草一錢 地榆去芦一兩

右以咀每服二錢溫酒調服如氣壯人加石膏一兩

一方

槐花

荆芥穗 各等分

右為末酒調下一錢上仍空心食積血妙

方 治卒下血

用亦小豆一升搗碎水二升絞汁飲之

烏梅丸 治便血下血

烏梅 三兩燒灰存性

右為末醋糊丸梧子大每服七十九空心米湯下

一方 治中毒下血

用蟬反燒存性研細每服二錢水調下日進一服

一方 治下血劫劑

百藥煎

一兩取一
半燒為灰

右為末糊丸如梧子大服六十丸空心米湯下

一方

血餘灰

鞋底灰

猪牙皂角灰

各等分

右為末酒調三錢七

一方 治下解血

山枝子仁

燒灰

右為末水和一錢七服

一方 治糞前有血面色黃

石榴皮

右為末煎茄十湯調一錢七

一方 治糞後下血不止

艾葉

不以
及少

右以生姜汁三合和服

一方 治臟毒下血

苦練

炒令黃

右為末蜜丸米飲下二十九丸妙

一方

百草霜 研細

右用酒調下

○已上諸方涼血止血之劑

丹溪心法附錄卷十一

五十二

酒煮黃連丸 見泄瀉

四物湯 見補損

腸風臟毒

戊集

丹溪心法

○腸風獨在胃與大腸出 若無風者蒼朮秦艽芍藥香附

又方

黃芩 秦艽 槐角 升麻 青黛

右以水煎服

治腸風下血

滑石 當歸 生苳 黃芩 蒼朮 各等

右以水煎服 或以蒼朮生苳不犯鐵器為末丸服

又方

茄蒂 燒存性 枝子 炒

右為末蒸飯丸如梧子大每服一百丸空心米湯下

又方 便血久遠傷血致虛并麻風癩瘡見回者

龜板 酥炙 升麻 香附 各五錢 芍藥 一兩 側柏葉 一兩

椿根皮 七錢半

右為末粥丸以四物湯加白朮黃連甘草陳皮作末湯下

丸藥

又方 脉緩大口渴月經紫色勞傷挾濕

白朮 半兩 黃柏 炒 生苳 白芍 各二錢 地榆 二錢

黃芩 香附 各一錢

丹溪心法附錄卷十一

五十二

右為未蒸餅丸服

又方 治積熱便血

蒼朮

陳皮一兩半 黃連

黃柏

餘苓各七錢五分

連翹半兩

右為未生芫膏六兩丸如梧子大每服五七十九丸白湯下

又方

腸風脫露以車荷鳴五七箇焙乾燒灰醋調搽仍忌濕麪酒辛熱物

附諸方

腸風黑散和劑方 治腸風下血或在糞前後並皆治之

荆芥二兩

亂髮

槐花

槐角各一兩 甘草炙

蝟皮

炒各一兩 枳殼去白二兩

右將所燒藥同入甕瓶內塩泥固濟燒存三分性出火毒同甘草枳殼搗羅為末每服三錢水一鍾煎七分空心服香梅丸濟生方 治腸風臟毒下血

烏梅

同核燒存性

香白芷

不見火百藥煎

燒存性各等分

右為末米糊丸如梧子大每服七十九丸空心米飲下

黑玉丹和濟方 治腸風積熱下血不止

刺蝟皮

製一斤

猪鬃蹄

一百箇

敗棕

到八兩 苦練根五兩

雷丸

四兩

牛角腮

到十兩

槐角

六兩

芝蔴

四兩

亂髮

皂角水洗淨焙八兩

右剉碎用甕確內燒存性研為細末入乳香二兩射香入

錢研和令勻用酒打麩糊為丸如梧子大每服二十九先
細嚼胡桃一枚空心以溫酒吞下多進得効

槐角丸和濟方治五種腸風下血痔瘻脫肛下血並服

槐角炒一兩地榆 黃芩 防風去芦

當歸酒浸一宿 焙乾去芦 枳殼去白 麩炒各八兩

右為末酒糊丸如梧子大每服三十丸空心米飲下

槐花散本事方治腸風臟毒下血

槐花炒 栢葉杵爛 荆芥穗 枳殼各等分

右為末每服二錢空心米飲調下

香附散本事方治腸風

香附一兩 炒 枳殼七錢 半炒 當歸半兩 川芎五錢 槐花炒

甘草炙各二錢五分

右為末每服三錢水一鍾姜二片棗一枚煎七分溫服

蒜連丸濟生方治臟毒下血

鷹角黃連去鬚一兩

右為末用獨頭蒜一箇煨香熟研和入白杵極爛丸如梧
子大每服四十丸空心陳米下

加減四物湯 治腸風下血不止

側栢葉 生地黃 當歸酒浸 去芦 川芎各一兩 枳殼去白 炒

荆芥穗 槐花炒 甘草炙各半兩

右咬咀每服四錢水一鍾姜三片烏梅少許同煎空心溫
服

黃連散 宜明方治腸風下血疼痛不止

黃連 雞冠花 貫衆 川大黃 烏梅 各一兩

甘草 炙五分

右為末每服二錢用溫米飲調下日三服不拘時

黃連貫衆散 張子和方治腸風下血

黃連 雞冠花 貫衆 大黃 烏梅肉 各一兩

甘草 炙七錢五分 枳殼 荆芥 各兩

右為末每服二錢溫米飲下食前

結陰丹 板粹方治腸風下血臟毒下血諸大便血疾

枳殼 去穢 麩炒 葳靈仙 黃芪 陳皮 去白 椿根白皮

何首烏 荆芥穗 各半兩

右為末酒糊丸如梧子大每服五七十丸陳米飲入酒少

許前過要放溫水送下

地骨皮散 經驗方治腸風痔瘻下血不止

地骨皮 鳳眼根皮 並用懸崖中煮好去土不用

右二味各等分同炒微黃色搗為細末每服三錢空心溫

酒調服忌食油膩等物

止血散 御藥院方治腸風下血或在糞前或在便後在便前

者其血近腎肝血也在便後者其血遠心肺血也此藥並

主之

卓角刺 燒灰 胡桃仁 去皮 故紙 炒 槐花 三兩半

右為末每服二錢米飲調酒亦可

時錄公法附錄卷十一

五十五

一方 治腸風臟毒

用茄蒂燒灰存性為末米飲調下二錢小兒服半錢

一方 治腸風下血

乾樗根白皮 人參 去芦

右件等分為末每服二錢空心用酒或米飲調下

一方

槐花

枳殼

右等分炒存性為末新井水為丸米飲下

一方 治臟毒下血

用黃連四兩酒浸春秋五日夏三日冬七日曬乾為末以

烏梅肉六兩同搗為膏丸如梧子大每服二三十丸空心

白湯下

一方 治腸風下血

用椿根白皮北引者去粗皮酒浸曬乾為末研膠棗肉丸

如梧子大每服二五十九丸酒送下

○廣按腸風者邪氣外入隨感隨見所以其色清也臟毒者蘊積毒久而始見所以其色濁也治腸風以散風行濕藥治臟毒以清熱涼血藥又要看其虛實新久之不同新者實者宜降之瀉之虛者久者宜升之補之故治法有所異也

痔瘡 五十二

丹溪心法

丹溪心法附錄卷之十一

○痔瘡專以涼血為王

入方

人參

黃芪

生苜

涼血

川芎

當歸

和血

升麻

條芩

涼大腸

枳殼

寬腸

槐角

涼血生血

黃連

等分

一方無黃連

右以水煎服或丸服亦可

熏洗

五倍子

朴硝

桑寄生

蓮房

加荆芥

煎湯先熏後洗又冬瓜藤亦好

又大腸熱腫者用木鱉

子五倍子研細末調傳

痔頭向上是大腸熱甚收縮而

上用四物湯解毒湯加枳殼白米槐角秦九

附諸方

清心丸

素問云諸痛痒瘡瘍皆屬心火此藥主之

黃連

一兩 扶神

微赤茯苓

各半

右為末煉蜜為丸如梧子大每服一百丸食前米湯下

清涼飲

治諸痔熱甚太便秘結

當歸

赤芍藥

甘草

大黃

飯上蒸晒乾

右等分為末每服二錢新水調下

黃耆芍花丸

宜明方治腸中久積熱毒痔瘻下血疼痛

黃芪

葛花

生地黃

黃赤小豆花

各一兩

大黃

赤芍藥

黃芩

當歸

各三錢 蛻皮一錢

檉柳

白蒺藜

皂角子仁

炒各五錢

右爲末煉蜜丸如梧子大每服二十丸至三十丸煎桑白皮湯及茴香槐子煎湯下亦可

槐角丸 治痔瘻有效

楠角 當歸 地骨皮 蝟皮各等分

右爲末滴水丸如梧子大每服五十丸空心服

蝟皮丸 治諸痔瘡出血裏急疼痛

槐花炒 艾葉炒 枳殼 地榆 當歸

川芎 黃芪 白芍 白礬枯 貫衆

蝟皮各一兩 頭髮燒三錢 猪後蹄重甲十枚 皂角一錠 灸黃去皮

右爲末煉蜜丸如梧子大每五十丸食前米湯下

猪甲散 治諸痔

猪懸蹄甲不以多少

右爲末陳米湯調一錢空心服

芎歸丸 治痔下血不止

川芎 當歸 黃芪 神麴 地榆

槐花炒各半兩 阿膠炒 頭髮燒灰 荆芥 木賊各一分五分

右爲末煉蜜丸如梧子大每五十丸食前米湯服

香殼丸 宜明方治濕熱內甚因而飽食腸癰發爲諸痔久而

成痿

木香 黃蘗各三錢 枳殼去穢 厚朴各半兩 黃連一兩

蝟皮一箇 當歸四錢 荆芥穗二錢

右爲末麴糊丸如梧子大每服二三十丸溫水下食前日

三服

一方 治諸痔瘡

槐花 四兩 皂角刺 一兩 胡椒 十粒 川椒 一兩

右用豬肚一箇入藥在內扎定口煮熟去藥空心食肚
子

○已上諸方內治之劑

法薰洗方

槐花 荆芥 枳殼 艾葉

右以水煎入白礬先薰後洗

槐花 炒各半兩 阿膠 炒 頭髮 燒灰 荆芥 木賊 各一錢五分

右爲末煉蜜凡如梧子大每五十丸食前米湯服

乾葛湯 治每遇飲酒發動痔瘡腫痛而流血

乾葛 枳殼 炒 半夏 茯苓 生芋

杏仁 各半兩 黃芩 甘草 炙各二錢半

右剉每服三錢黑豆一百粒姜二片白梅一箇水煎服

橘皮丸 治因憂思怒適臨于前痔瘡發作腫痛大便難

難努則肛出亦皆治之

橘皮 枳殼 炒 川芎 槐花 炒各半兩 檳榔

木香 桃仁 炒去皮 紫蘇莖葉香附 甘草 炙各一錢半

右剉每服三錢姜棗煎服

一方 治腸痔每大便常有血

蒲黃末方寸七未飲調下且二頓瘥

地黄丸 治五痔滋陰必用之

地黄 酒蒸熟一兩六錢 槐花 炒 黃柏 炒 杜仲 炒

白芷 各一兩 山藥 取肉 獨活 各八錢 澤瀉

牡丹皮 各六錢 茯苓 各六錢 黃芪 一兩半 白附子 二錢

右為末煉蜜丸如梧子大每五十丸空心米湯服下

一方

大黃 煨二錢 牡蠣 煨一兩

又方

用五倍子加燒香法置桶中薰妙

又方

木鱉子 七箇取仁研 土礬末 二錢

右以水煎薰洗二三次 如肛門腫熱以朴硝末水調淋

之良

又方

搗桃葉一斛蒸之內小口器中以下布榻上坐取自出

又方

用無花菓葉煮水薰少時再洗

又方

用好醋沃燒新磚如法坐薰良

又方

用荆芥防風朴硝煎湯洗之次用木鱉子爵金研末入龍

腦裝少水調傳之或用熊膽片腦和勻貼之尤妙

又方

用全蠟不以多少或一二三箇初發痔痒用此燒薰

又方

用韭菜不以多少燒熟湯以盆盛湯在內盆上用器具蓋之留一竅却以韭菜於湯內泡之以穀道坐竅上令氣蒸薰候溫用韭菜湯輕輕洗瘡數次自然脫體

又秘方

先用乾馬齒莧煎湯洗次用螺蛳活搗敷瘡紙封口空心食前鹽湯調下枳殼末一二錢

又方

用枳殼不拘多少每用末二錢水一大碗沙瓶內煎百沸

先蒸熟而後洗之

外敷蝸牛膏

用蝸牛一枚射香少許用小砂合子盛蝸牛以射香搗之次早取汁塗痔瘡有效

槐白皮膏和劑方治內外諸痔年久不愈者

槐白皮各五 枳實各五 赤小豆六十 桃仁六十 當歸各三

甘草各二 白芷各二

右咬咀以煎成猪膏一斤微火煎至黃色藥可成膏以貼瘡

五灰膏危氏方治臟腑一切蘊毒發為痔瘡小兒間遠年近日形似雞冠蓮花核桃牛乳或內或外並皆治之此方親傳

之瘡科刘叔茂累試皆驗不敢自秘

蕎麥灰半許荆柴

老杉枝 薊柴

山白竹

右以上四般柴竹截作一尺許長以斧劈破成片各取一束曬乾放火上燒過置坛內為灰防為風所化俟盡燒却以水於罏內煮用炭斤又用酒漏以布帛實其竅置蕎麥灰於酒漏內以所煮四般炭汁淋之然後取汁於罏內慢火熬汁約取一小碗候冷入石灰同并調和成膏以瓦瓶貯之止用石灰傳之面上不令走氣臨用時刮去石灰以冷水調開令病者以水洗洗淨瘡瘡仰臥搭起一足先以濕紙於瘡四圍貼護却用竹篋挑藥塗瘡上頂更痛息用紙搽去藥再塗如此三四遍要瘡瘡如墨樣黑方止以水

洗淨每日常置冷水一盃以葱湯和之日洗三五遍六七日後膿穢出盡其瘡自消

寬腸丸醫方大成五灰塗瘡瘡之後或臟腑秘結不通者用此藥寬腸

黃連各等分

右為末麵糊丸如梧子大每服五十丸空心米湯下

一方 治久痔

用熊膽塗神效

一方 治痔瘡有頭

用荒花入土根洗淨水白搗以少水絞汁於銀銅器內慢火煎成膏將絲線於膏內度過較瘡瘡頭繫時微痛候心

燥痔落時以紙燃蘸膏於竅內未除其根

一方

治用藥枯痔後大便堅硬難下以大黃濕紙裹煨紙殼去穢當歸酒洗各等分爲末煉蜜丸如梧子大每服三十九白湯下

灸法

用大蒜一片頭垢捻成餅子內安頭垢餅於痔上外安蒜艾灸之

○已上數方外治之法

四物湯 見補損

解毒湯 見濕熱

漏瘡 五十二

戊集

丹溪心法

○漏瘡先服補藥生氣血用參朮芪芩歸爲主大劑服之外以附子末津唾和作餅子如錢厚以艾灸之漏大炷大漏小炷小但灸令微熱不可使痛乾則易之則再研如未作餅再灸煩因則止來自又灸直至肉平爲效亦有用附片灸仍用煎劑作膏貼之尤妙痔漏涼大腸寬大腸用枳殼去穢入巴豆鉄線纏煮透去巴豆入藥用丸藥則爛搗用煎藥乾用寬腸泄竅用赤石脂白石脂枯礬黃丹腦子漏竅外塞用童便煨爐甘石牡蠣粉入方

黃連散 元有痔漏又於肛門邊生下塊皮厚腫痛作膿就
在痔孔出作食積注下治

黃連 阿魏 神麩 山查 桃仁
連翹 槐角 犀角 等分

右為末以少許置掌心時時舐之津液嚥下如消三分之
二止後服

附諸方

加味槐角丸 古庵方 治痔漏通用及治腸風下血

槐角 二兩 生草 二兩 當歸身 黃芪 各一兩
阿膠 各半 黃連 條芩 枳殼 秦艽
防風 連翹 地榆 升麻 各一兩 白芷 半兩

右為末煉蜜丸或酒糊丸如梧子大每服五十丸漸加至
七八十丸百丸空心溫酒或米湯送下

法日以槐角生草生血涼血為君當歸川芎黃芪阿膠補
血為臣以諸藥為佐使蓋黃連瀉心火條芩涼大腸枳殼
寬大腸秦艽去大腸風防風為血證上使連翹為血證中
使地榆為血證下使而連翹又能散經絡中火邪地榆又
能涼血升麻升散火邪又與白芷引諸藥入大腸經絡夫
痔漏經絡之病也

楛藤子丸 御藥院方 治腸癖下血痔漏結核疼痛

楛藤子 一箇重七錢者 皂角刺 燒存性 茴香 炒
枳殼 去白穢白乾 白附子 炮 蝟皮 炒存性 枯白礬
各半兩 乳香 各半兩

右為末醋麵糊丸如梧子大每服五十九空心溫酒下如
痔瘡痛醋研五七丸塗患處

蛻皮丸 清庄方 治五種痔漏

猪左懸蹄甲 黃牛角腮 蛻皮 一箇同上

防風 去芦 貫衆 槐角子 炒 鱉甲 醋煮 楸殼 皮用

鷄冠花 槐花 黃耆 去芦 雷丸 黃連 去鬚

當歸 香白芷 油髮灰 玄參 各半 射香 五分

右為末米糊丸如梧子大每服一百九空心米飲送下年
高并虛弱者不宜服也

椒殼散 御藥院方 治腸風痔漏便血無數行痛不可忍

椒殼 去穢 槐子 微炒 荆芥穗 各半

右為末每服二錢薄粟米粥調下如人行一二里地再以
黍壓下日進二三服

一方 治痔漏下血痔痛

用槐花炒椒殼去穢各一两為末醋糊丸如梧子大每服
二十九空心食米飲湯下十服見效

一方

用枳殼水浸去穢每一片用巴豆一粒在內線縛於鐵石
器內以醋浸一宿高者乾去豆為末醋糊丸如梧子大
每服十五九空心茶清送下

猪腎丸 通行漏瘡中惡水自大腸中出

用黑牽牛碾細末二錢半入猪腎中下線扎青竹葉包慢

久煨熟空心溫酒嚥下

○已上諸方治初發痔漏涼解之劑

乳香丸 治冷漏

乳香二錢 牡蠣粉一錢二分半

右為末雪糕糊丸麻子大每服三十丸姜湯空心下

釣腸丸 和劑方治久瀉虛漏肛門腫痛或生瘡痔有膿血及

腸風下血虛寒久不愈者

括萎二枚燒存性 蝟皮二箇燒存性 鷄冠花五兩 綠礬枯

白礬二兩 胡桃仁取仁十五兩不去油罐內燒存性 白附子

天南星生用 枳殼去穢 半夏 訶子煨各二兩

附子去皮臍生用一兩

右為末醋糊丸如梧子大每服二十九空心臨吐海酒送

下

黑丸子 危氏方專治年久痔漏下血用之累驗

乾姜 百草霜一兩 木燬頭二兩 烏梅

敗棕 栢葉 油髮各半 已上七味各燒灰存性却入後藥

桂心三錢 白芷五錢俱不見火

右九味為末醋糊丸如梧子大空心米飲下三十丸

烏玉丸 秘方治男子婦人下血腸風痔漏者疼痒不可忍服

此三四次是效初得此病或疼或夜發道周廻多生硬核

是痔破者是漏下血是風皆因酒色過度即成此疾人多

以外醫洗不知病在腸中有蟲若不去根其病難除

槐角六兩雷丸四兩 敗棕八兩 苦練皮 五兩

芝蔴四兩牛角鯁十一兩亂髮皂角水洗

右件剉碎用磁器內燒存性碾末入乳香二兩射香入錢
研勻酒糊丸如梧子大每服五十九丸細嚼胡桃丁箇溫酒
送下空心臨晚二服甚者三服忌別藥房室醋魚雞諸般
發風動氣毒物先坐濕地

○已上諸方治年久痔漏濕澁之劑

黃勞婦翻花漏瘡

草麻子去殼防風 天南星各半

右件為粗末盆內燒烟上用器具蓋之留一孔坐孔上薰
之

又方 薰漏瘡

艾葉 五倍子 白膠香 苦練根各等分

右剉碎如燒香法置長桶內坐薰瘡處

薰洗痔瘻疼痛

枳殼半兩 朴硝二錢 薄荷半兩 荆芥 乾蓮蓬各

右件為粗末用水三碗煎至二碗半乘熱薰洗

洗漏瘡方 治漏瘡孔中多有惡穢常須避風洗淨

漏蜂房白芷煎湯洗 或大腹皮苦參煎湯洗

右洗畢拭乾先用東向石榴皮晒為末乾搽以殺淫虫

填傳藥

又方

用冬瓜湯洗即愈

又方

用和隨井水調洗 或用蜜和硫調搽

又方 治痔漏

用可邊水漂出柳根赤鬚煎湯洗極效

傳久漏方

用九孔蜂房炙黃以臘月猪脂研傅候收汁以龍骨降香
節末入夢乳悉身硬瘡

又方 傳痔漏

用田螺一箇桃開壓入芥腦一分過一宿取螺內水搽瘡
先用冬瓜瓢煎湯洗淨搽

蒲黃散 治下部痔漏

蒲黃一兩 血礪半兩

右為末每用少許拈患處

又方

用蠅蚬不以多少焙乾為末先用礬水洗淨貼之

辰砂挺子 秘方治痔漏等瘡

人言一錢 白礬二錢 蜜陀僧 辰砂各五錢

右件先研人言細鋪銅底次用礬鋪人言上粘烟盡為度
次將陀僧辰砂研細白糕和作尖挺子如小麥大每用一
粒頑漏納瘡口上去敗肉盡後貼生肌散

生肌散 秘方

寒水石煨一錢 龍骨煨五錢 乾胭脂三分 輕粉一錢

右件研末，乾貼瘡，嫩寒水石乾胭脂加龍腦，瘡老止，依方。

辰砂膏秘方

瓜蒂末三錢 蜜陀僧研二錢 硃砂半錢 片腦少許

右件為末，如瘡乾，津調貼，瘡濕乾貼。

玉紅散秘方

礞砂二兩先燒，礞砂在罽內，次用白礬二兩，硃砂四兩

右件為末，敷瘡乾，津調貼。

代針膏秘方

巴豆五錢去皮 枳殼大者二箇去穢

右件將豆裝在枳殼內，綿縛罐內，盛醋煮乾，枳豆曬乾，研

細用絲綿蘸濕，展敷，瘡根上去，痔不用，止用生肌散如

頑漏日久，不可用津調，代針膏敷瘡頭，尖敗肉自去。

四效散聖惠方治鼠竅痔漏

蜜陀僧二錢 射香片腦各半錢 銅綠一字

右件為末，先用溫水洗拭乾敷。

生地黄膏治漏瘡通用

露蜂房炙五倍子 木香三錢 乳香一錢 輕粉一字

右為末，用生地黄一握，搗細和為膏，攤生絹貼之。

蛇蛻散治漏瘡血水不止

蛇皮焙焦 五倍子龍骨各二錢 續斷五錢

右為末，入射香少許，津嚙調傳。

○已上諸方外治之法

○廣按痔漏之源由乎酒色過度濕而生熱充于臟腑溢于經絡墜平穀道之左右衝突為痔久而成漏者也痔輕而漏重痔實而漏虛治痔之法不過涼血清熱而已至於治漏初則宜涼血清熱燥濕久則宜溫散殺血而兼平溫散也或曰痔漏久是根源何故而用溫溫殊不知痔止出血始終是熱漏流膿水始是濕熱終是濕寒不用溫藥何以去濕而散寒乎非止痔漏百病中多有始熱而終寒者如瀉痢如嘔吐初作則腸胃氣實為熱久作則腸胃氣虛而為寒矣丹溪下血條云下血久不愈者後用溫劑正此義也

脫肛 五十四

戊集

丹溪心法

○脫肛屬氣熱 氣虛 血虛 血熱 氣虛者補氣參芪
芎歸升麻 血虛四物湯 血熱者涼血四物湯加炒柏
氣熱者條芩六兩升麻一兩麩糊丸 外用五倍子為末托
而上之一次未收至五七次待收乃止 又東北方壁土泡
湯先薰後洗

附諸方

香荆散 三因方治肛門脫出大人小兒悉皆治之

香附子 荆芥穗各等分 一方加砂仁

右為末每服三匙水一大碗煎至十數沸熱淋洗

一方

用五倍子為末每用三錢入白礬一塊水一碗煎洗

一方

用木賊燒灰存性為末搽肛門上按入即愈

一方

用浮萍為末乾貼患處

一方

用曼陀羅花子連殼一對椽斗十六箇搗碎水煎三五沸入朴硝熱洗其肛自收

二靈散

治久痢腸胃俱虛肛門自下

龍骨煨五錢

木賊燒存性二錢五分

右為末搽托之

又方

用槐花槐角等分炒黃色為末用羊血蘸藥炙熱食之以酒送下或以猪膠去皮蘸藥炙食亦可

淋五十五

戊集

丹溪心法

○淋有五皆屬平熱 鮮熱利小便山梔子之類山梔子去

皮一合白湯下

戴云淋者小便淋瀝欲去不去不去又來皆屬於熱也

入方

治老人氣虛而淋者

人參

白朮

木通

山梔子

右水煎服

地髓湯 治死血作淋痛不可忍此證亦能損胃不食

杜牛膝

一合一名苦枚
根即鼓槌草

右以水五鐘煎耗其四而留其一去滓入射香少許空心服之又草以酒煎亦可又名苦枚散 老人虛寒者八味丸或六味地黃丸為要藥

又方 治氣虛而淋者

八物湯加黃芪虎杖甘草煎湯服諸藥中可加牛膝附諸方

五苓散 治伏暑小便赤澀如淋見中暑

一方 治諸淋

四苓散 二錢 益元散 一錢 燈草 三十莖 山梔子 一錢

右水煎空心服 或益元散加車前末一錢 或益元散

加阿膠末一錢

八正散 和劑方 治大人小兒心經蘊熱臟腑閉結小便赤澀癰閉不通熱淋血淋膏淋沙淋石淋並皆治之

車前子 瞿麥 菟蓄 滑石

甘草 山施 大黃 麵裹 木通 各一

右以咀每服三錢水一鐘入灯心十莖煎至六分食前温服

五淋散 和劑方 治腎氣不足膀胱有熱水道不通淋瀝不出或如膏如沙如石或如豆汁並皆治之

赤茯苓 六兩 赤芍藥 山梔子仁 各十兩 當歸 去芦

甘草 生用各五兩 條芩 三兩

右以咀每服四錢水一鍾煎八分空心服

石常散 和劑方 治膀胱有熱淋瀝不丟臍腹急痛蓄作有時勞後即發或尿如豆汁或出沙石並皆治之

芍藥 白朮 滑石 葵子 木通

瞿麥 去毛各二兩 當歸 各一兩 王不留行 一兩

右為末每服二錢空心小麥湯調下

通草湯 濟生方 治諸淋

王不留行 葵子 通草 茺菀根 蒲黃

當歸 去芦 瞿麥 桃膠 滑石 各一兩 甘草 半兩

右以咀每服四錢水一鍾姜五片煎服

地膚子湯 濟生方 治諸病後體虛觸熱熱結下焦遂成淋疾小便赤澁數起少出莖痛如刺或尿出血

地膚子 一兩 猪苓 知母 黃芩 海藻 洗

通草 瞿麥 去毛 枳實 麩炒 升麻 葵子 各半兩

右以咀每服四錢水一鍾姜五片煎六分溫服

車前子散 治諸淋小便痛不可忍

車前子 生半兩 淡竹葉 赤茯苓 灯草 各二錢

荆芥穗 能通竅二錢

右作二服水煎

立效散 和劑方 治下焦結熱小便淋閉作痛有時尿血

丹溪心法附錄卷十一

甘草炙三兩 瞿麥穗一兩 山梔子去皮炒半兩

右咬咀每服五錢水一鍾姜三片葱白三箇灯心三十莖煎至六分去滓食後溫服

○已上八方清熱之劑

導赤散和劑方 治心虛蘊熱小便赤澀或成淋痛

生乾地黃 甘草 木通

右咬咀每服三錢水一鍾竹葉十片煎六分溫服

火府丹本事方 治心經蘊熱小便赤澀及五淋澀痛

木通 黃芩各一兩 生熟地黃二兩

右為末煉蜜杵為丸如梧子大每服五十丸木通湯送下

○已上二方寧心之劑

六味地黃丸 治血虛腎虛消渴淋濁 見補損

鹿角霜丸三四方 治膏淋多因憂思失志濁氣干瀆小便淋

閉澀如膏脂疲劇筋力或傷寒濕多有此証

鹿角霜 秋石 白茯苓各等分

右為末麵糊丸如梧子大每服五十丸空心米湯下

○已上二方滋腎之劑

一方 治氣虛脾虛消渴淋濁

人參 滑石各一兩 白木半一錢 赤茯苓

澤瀉各七 麥門冬 甘草各五分 竹葉三十片

右剉作一服水一鍾灯心二十莖煎六分溫服食前

清心蓮子飲和劑方 治上盛下虛心火炎上口渴咽乾煩渴

微熱小便赤澀或欲成淋並治之

黃芪蜜炙 石蓮肉去心 赤茯苓 人參各七錢半

車前子 麥門冬去心 甘草炙 地骨皮

黃芩各半兩

右以咀每服五錢水一鍾煎六分溫服發熱加柴胡薄荷

○已上三方扶解之劑

髮灰散 治血淋 若單小便出血為莖脈皆主之

亂髮不拘多少燒灰入射香少許每服用米醋泡湯調下

治淋以葵子末等分米飲空心調下最治婦人胞轉不

尿

葉氏治血淋方簡易方

阿膠面炒 木猪苓 赤茯苓 滑石 澤瀉各一兩

車前子半兩

右以咀每服三錢水一鍾煎六分五更時服

一方治小腸有熱血淋急痛

車前草連根帶穗洗淨白內搗井花水調慮清汁空心涼

服一碗若是淋沙石則以煨寒水石為末調服

一方治血淋熱淋効

赤小豆不以多炒

右為末每服二錢煨葱一根溫酒調服

通秘散 治血淋痛不可忍

陳皮 香附 赤茯苓各等分

丹溪心法附錄卷之十一

七十五

右剉每服二錢水煎空心服

白薇散 治熱淋血淋

白薇 赤芍藥 各等分

右為末每服二錢溫酒調下立效或加枳椇

一方 治熱淋血淋

麻根 十箇

右以水四碗煎至一碗空心服甚効

一方 治血淋諸熱淋

山茵陳 淡竹葉 木通 山梔子 滑石

甘草 楮苓 瞿麥

右剉每服五錢水一鍾半灯心少許煎至八分空心溫服

如大便秘澀加大黃同煎

○已上入方理血之劑

沉香散 治氣淋疼此多因五內鬱積氣不舒行陰滯於陽而致壅滯小腹脹滿便溺不通

沉香 石菖 滑石 王不留行 當歸 各半

葵子 芍藥 各七錢 甘草 陳皮 木香

青皮 各二錢 五分

右為末每服三錢煎大麥湯下

傳濟方 治五淋

赤芍藥 一兩 枳椇 二箇 麩

右為末每服二錢水煎空心服

丹溪心法附錄卷十一

淋症

一方 治卒淋急痛

益元散二錢 茴香一錢微炒黃 木香

枳殼各二分半

右為末水調服

一方 治小便淋痛赤澀下沙石

萱草根一握搗取汁服 或嫩苗煮食之亦可

一方 治沙石淋

琥珀二錢研為末空心葱白湯調下

琥珀散宜明方 治五淋沙石淋

滑石

琥珀各一兩

木通

當歸

鬱金

篇竹各半兩

木香

右為末每服五錢以蘆薈葉煎湯空心調服如無蘆薈葉以竹葉煎湯送下

○已上三方開錢之劑

二神散 治諸淋急痛

海金沙七錢半 滑石半兩

右為末每服二錢煎水通麥門冬車前草湯入蜜少許送下

一方

石燕子七箇搗如黍米大

新桑白皮三兩剉同拌勻

右將二物分作七帖用水一鍾煎七分去渣空心午前至夜各一服

琥珀散 聖惠方 治五淋澀痛小便有膿出血

琥珀 海金砂 沒藥 蒲黃 各一兩

右為末每服三錢濃煎通草湯送下日二服

一方

用蟻蚱七枚盥二兩同於新瓦上焙乾研細溫酒調服一錢即愈

一方

用苧根二莖剉碎水一碗煎至半碗頓服即通

一方

用車前子一兩以絹囊盛水二鍾煎溫服立瘥

一方

用地膚子或莖葉一兩水一鍾煎溫服即北方掃帚苗上子是也

○已上數方專攻之劑

一方 治淋莖中痛此是肝經氣滯有熱

甘草梢子 兩半 青皮 黃柏 澤瀉 各一錢

右作一服水二鍾煎至一鍾空心溫服

一方 治苦痛淋而莖中痛不可忍者

六君子湯加黃柏知母滑石石膏琥珀煎服見調胃類

參苓琥珀湯 治淋莖中痛不可忍相因臍下痛

人參 五分 茯苓 四分 川練子 錢一 琥珀 三分

生甘草 錢一 玄胡索 七分 澤瀉 柴胡

當歸稍加青皮黃柏各三分

右作一服水一鐘半煎至七分空心温服

○已上諸方治莖中痛之劑

治婦人諸淋方

用苦杖根俗呼各杜牛膝洗淨搥碎一握水五碗煎至一碗去渣入射香乳香末各少許調服小便內當下沙石剥剥有声是其效也

石莖散 治婦人小便卒淋澀

石莖 黃芩 木通 榆栢皮
葵子 瞿麥穗 甘草 各等分

右以咀每服八錢水一鐘半姜二片煎至八分去渣食前

温服

已上治婦人淋証之劑

八味丸

八物湯 並見補遺

○廣按淋証其感不一或因房勞或因忿怒或因醇酒或因厚味所致夫房勞者陰虛火動也忿怒者氣動生火也醇酒厚味者酸成濕熱也積熱既久熱結下焦所以小便淋瀝欲去不去又來而痛不可忍者初則熱淋血淋久生煎熬水液稠濁如膏如沙如石也諸方中類多散熱利小便而於開鬱行氣破血滋陰蓋少焉若夫散熱利小便只能治熱淋血淋而已其膏淋沙石淋三者必須開鬱

丹溪心法附錄卷十一

行氣破血滋陰方可也古方用礬金琥珀開鬱藥也用青
皮木香行氣藥也用蒲黃牛膝破血藥也用黃柏生地黃
滋陰藥也東垣用藥凡例小腹痛用青皮黃柏夫青皮疎
肝黃柏滋腎蓋小腹小便乃肝腎之部位也學者不可不
知

小便不通 五十六

戊集

丹溪心法

小便不通有氣虛 血虛 有痰 風閉 實熱 氣虛
用參芪升麻等先服後吐或參芪藥中探吐之 血虛四物
湯先服後吐或芩歸湯中探吐亦可 痰多二陳湯先服後
吐已上皆用探吐 若痰氣閉塞二陳湯加木通一作香附

探吐之以提其氣氣升則水自降下蓋氣承載其水也 有
實熱者當利之硝糖湯調澤中末二三分或山梔之類 有
熱有濕有氣結於下宜清宜燥宜升 有孕之婦多患小便
不通胞被胎壓下故也轉胞論用四物湯加參木半夏陳皮
甘草姜棗煎湯空心服 一婦人脾疼後患大小便不通此
是痰隔中焦氣滯於下焦以一陳湯加木通初喫後煎橙吐
之

附脉理

脉訣舉要曰鼻頭色黃小便必難脉浮弦澀為小使

附諸方

蒲黃湯 聖惠方 治心腎有熱小便不通

赤茯苓 木通 車前子 桑白皮炒 荆芥

灯草 赤芍藥 甘草微炒 蒲黃生 滑石

右各等分爲末每服二錢葱白紫蘇煎湯調下食前服

葵子散宣明方治小便不通

葵子 茯苓去皮各等分

右吹咀每服四錢水二鐘煎至一鐘去滓食前服

葵子湯濟生方治膀胱實熱腹脹小便不通

赤茯苓去皮 木猪苓去皮 葵子 枳實麩炒 瞿麥

滑石 木通去節 黃芩 車前子 甘草各等分

右吹咀每服四錢水一鐘半姜五片煎八分去滓溫服

海金沙散拔萃方治小便淋瀝及下焦濕熱氣不施化或五

種淋疾癰閉不通

海金沙研 木通 瞿麥穗 滑石 通草各半兩

杏仁去皮尖麩炒一兩

右吹咀每服一兩燈心二十莖水二鐘煎至一鐘溫服

鬱金黃連丸秘方治心火炎上腎水不升致使水火不得相

濟膀胱小腸積熱或癰閉不通或遺溺不禁或白濁如泔

或膏淋如膿或如菔子水或如沙石米粒或如粉糊相似

者俱熱証也此藥悉皆治之

鬱金 黃連各一兩 黃芩 琥珀研 大黃酒浸各二兩

滑石四兩 黑牽牛炒取頭末三兩 白茯苓四兩

右爲末水丸如梧子大每服五十丸沸湯下空心服如用

消導飲食降心火可加沉香五錢

宣氣散 濟生方 治小便不通腹臍急痛

甘草 木通各三錢 梔子二錢 葵子 滑石各一錢

右為末每服半錢灯心湯下食前

木通散 濟生方 治小便不通小腹痛不可忍

木通 滑石各一兩 黑牽牛頭末半兩

右吹咀每服一錢小半鍾灯心十莖葱白一莖煎三分食

前服

八珍散 聖惠方 治大人小兒小便不利或不通

大黃 木通去皮 滑石 粉草 瞿麥

山梔子 黃芩 荆芥各等分

右為末每服一錢薄荷湯調下小兒減服食前

草蜜湯 治心腎有熱小便不通

生車前草搗取自然汁半鍾入蜜一匙調下

一方 治膀胱不利為癃者小便閉而不通

入正散加木香 方見淋類

一方 治小便不通臍下滿悶

海金沙一兩 臘茶半兩

右為末每服三錢生姜甘草湯調下

一方 治膀胱有熱小便不通

用朴硝不拘多少研為末每服二錢空心以茴香湯調下

妙

琥珀散 治老人虛人小便不通

用琥珀為末每服一錢以人參茯苓煎湯調空心服或煉蜜丸如梧子大每服十九丸赤茯苓湯下

一方 治小便不通

鷄子中黃一枚服之不過三

一方

用炒鹽熱熨小腹冷復易之或以食鹽炒熱放溫填臍中却以艾灸七炷即時通尤妙

一方 治忍小便人致胞轉

自取瓜甲燒灰米飲服之

一方

取陳久筆頭一枚燒為灰和水服之

一方

用酸漿草搗汁入蜜同服

一方

用竹鷄草一兩洗淨車前草一兩同於砂盆插爛加蜜少許無蜜加塩少許取汁空心服小便自通竹鷄草其葉如竹葉花翠監色

四物湯 見補損

二陳湯 見痰類

小便不禁 五十七

戊集

丹溪心法

○小便不禁者屬熱屬虛 熱者五苓散加鮮薑鹿者五苓

加四物戴云小便不禁出而不覺赤者有熱白者氣虛也
附諸賢論

王節齋曰小便不禁或頻數古方多以爲寒而用溫澁之藥殊不知屬熱者多蓋膀胱火邪妄動水不得寧故不能禁而頻數來也故年老人多頻數是膀胱血少陽火偏旺也治法當補膀胱陰血瀉火和爲主而佐以收澁之劑如牡蠣山茱萸五味子之類不可用溫藥也病本屬熱故宜瀉火因水不足故火動而致小便多小便既多水益虛矣故宜補血補血瀉火治其本也收之澁之治其標也

附諸方

茯苓丸 三因方治心腎不足精神惚恍小便淋瀝不禁

赤茯苓 白茯苓各等分

右爲末以新汲水投先澄去新沫控乾別取地黃汁與好酒同於銀石器內熬成膏搜和丸如彈子大空心鹽酒磨下下丸

桑螵蛸散澹寮方治男子小便頻數如稠米泔色此由勞心

焦意得之有服此藥不終劑而愈方見赤白濁

治小便遺失澹寮方

阿膠炒成珠 牡蠣 鹿茸酒炙 桑螵蛸酒炙各等分

右爲末糯米糊丸如梧子大每五十丸空心鹽酒下

六味地黃丸 治內虛熱者小便頻數不禁

本方加牡蠣五味子見補損

家韭子丸 三因方 治大人小兒下元虛寒小便不禁或成白濁

家韭子 炒六兩 鹿茸 酥炙四兩 菴蓉 酒浸 牛膝 酒浸 熟地黄

當歸 各二兩 杜仲 去皮炒 石斛 去芦 乾姜 炮 桂心 各一兩

兔絲子 酒浸 已載 去心各一兩半

右為末酒糊丸如梧子大每服一百丸空心鹽湯溫酒任下

小兒須作小丸服之

五苓散 見中暑

解暑散 見溫熱

回物湯 見補損

夢遺 五十八

戊集

丹溪心法

○專主平熱 帶下與脫精同治法青黛黑海石黃柏 內傷氣血虛不能固守常服入物湯加減吞檉樹根丸 思想成病其病在心安神丸帶補藥 熱則流通知母黃柏蛤粉青黛為丸

精滑專主平濕熱黃柏知母降火牡蠣粉蛤粉燥濕 載云因夢交而出精者謂之夢遺不因夢而自泄精者謂之精滑皆相火所動久則有虛而無寒也

入方

良姜 三錢 燒灰 黃柏 二錢 燒灰 存性 芍藥 二錢 燒灰 存性 檉樹根皮 一兩 半

右為末，麴糊丸，梧子大，每服二十九，空心茶湯下。

附諸賢論

王節齋曰：夢遺精滑，世人多作腎虛治，而用補腎益精之藥，不效。殊不知此証多屬脾胃。飲酒厚味，痰火濕熱之人，多有之。蓋腎藏精，精之所生由脾胃飲食化生，而輸歸於腎。今脾胃傷於濃厚濕熱內鬱，中氣濁而不清，則其所化生之精亦得濁氣。腎王閉藏陰靜，則寧。今所輸之精既有濁于氣，則邪火動于腎中，而水不得寧靜，故遺而滑也。此證與白濁同。丹溪論白濁為胃中濁氣下流，滲入膀胱，而云無人知此也。其有色心太重，妄想過用，而致遺滑者，自從心腎治，但無脾胃者，多要當審察。

附脉理

脉訣舉要曰：遺精白濁，當驗於尺，結扣動數，一證之的。

附諸方

固精丸 治心神不安，腎虛自泄精。

知母 炒 黃柏 酒炒各 牡蠣 三錢煨 龍骨 二錢

芡實 蓮蕊 茯苓 遠志 去心各 三錢

一方有茱萸肉二錢

右為末，煮山藥糊丸，梧子大，硃砂為衣服，五十丸。

小兒絲子丸 和劑方治腎氣虛損，目眩耳鳴，四肢倦怠，夜夢遺精。

遺精

石蓮肉 二兩 兔絲子 酒焙 五兩 白茯苓 焙一兩 山藥 一兩內將分半打糊

右為末用山藥糊搜和丸如梧子大每服五十九空心温酒盪湯任下如脚膝無力木瓜湯下

威喜丸 和劑方治丈夫元陽虛憊精氣不固小便白濁餘淋常流憂寐多驚頻頻遺泄婦人白濁白帶並皆治之

黃蠟 四兩 白茯苓 去皮切塊用猪苓一分於器內同煮二十餘沸取出且曬不用猪苓四兩

右以茯苓末鎔黃蠟丸如彈子大每一丸空心細嚼津液嚥下以小使清為度忌米醋只喫糠醋

金鎖正元丹 和劑方治真氣不足呼吸短氣四肢倦怠脚膝酸疼目暗耳鳴遺精盜汗一切虛損之證並皆服之

五倍子 八錢 紫色戟 一兩 補骨脂 酒浸 硃砂 二錢

龍骨 二錢 另研 肉苁蓉 洗焙一兩 葫蘆巴 炒一兩 茯苓 去皮 八錢

右為末入研藥勻酒糊丸如梧子每服二十九空心温酒盪湯任下

玉鎖丹 御藥院治精氣虛滑遺泄不禁

龍骨 蓮花蕊 鷄頭實 烏梅肉 各等分

右為末用熟山藥去皮為膏和丸小豆大每服二十九空心米飲下

芡實丸 濟庄方治思慮傷心疲勞傷腎心腎不交精元不固面少顏色驚悸健忘小便赤澀遺精白濁足脛酸疼耳聾目暗

芡實 蒸去皮 蓮花鬚 二兩 茯神 去水 山茱萸肉

龍骨 庄用 五味子 枸杞子 熟地黃 酒蒸

韭子炒 肉苁容酒浸 川牛膝去芦酒浸 紫石英煨七分各一兩

右為末酒煮山藥糊丸如梧子大每服七十九空心鹽湯下下

固精丸 經驗方 治思慮色慾過度損傷心氣遺精盜汗小便頻數

白茯苓去皮 秋石各四兩 石蓮肉去殼皮炒

水鷄頭粉紅花在上結子垂下各二兩

右為末以蒸棗肉杵和丸如梧子大鹽湯下三十九溫鹽酒下亦可

小中金丸 宣明方 治元臟氣虛不足夢寐陰人走失精氣

陽起石研 木香 乳香研 青鹽各一錢五分

骨碎補炒 白龍骨一兩紫者為碎絹袋盛大豆蒸熟取出焙乾碎爛

黃狗腎一對酒一升煮熟切作片子焙 杜仲各半兩去皮生姜炒絲盡

黃香炒 白茯苓二兩與狗腎同為末

右為末酒麵糊丸如皂角子大每服二十九空心溫酒下忌房室

葉氏定心湯 簡易方 理心氣不足榮血衰少精神恍惚夢中失精

人參去芦三兩 白茯苓去皮 黃芪蜜炙炒 茯神去木各三兩

厚朴姜制 川芎 赤石脂研 白朮各二兩 紫苑茸

防風 甘草炙各一兩 麥門冬去心兩半 官桂半兩

右咬咀每服三錢水一鐘赤小豆七十粒煎六分食後服

金櫻丸 治精滑夢遺及小便後遺歷

金櫻子 雞頭實各一兩 白蓮花蕊 龍骨煨各半兩

右為末糊丸梧子大每服七八十丸空心鹽酒下
白羊肝丸 治遺精

用大半夏八兩剉片猪苓四兩為末拌炒黃色去猪苓却
將半夏為末用白羊腎兩對去筋膜無灰好酒煮爛搗為
泥和半夏末為丸如梧子大晒乾將猪苓末炒熟搗和藥
丸安於磁器內密封養氣每服三十丸猪苓煎湯送下

秘元丹 治精不禁危急者

龍骨酒煮焙乾為末 靈砂水飛各一兩 砂仁半兩 訶子小者熱灰炒取內半兩
右為末糯米糊丸如菉豆大每服十五丸加至三十丸空

心溫酒下臨臥熱水下亦可

一方

靈砂二兩 陽起石火煨通紅 砂仁 訶子肉各一兩

白茯苓 牡蠣雌雄各半兩火煨飛 麥門冬去心二錢半

右為末糯米飯丸空心酒下一十九丸要通飲煎茶半鐘即
行如無陽起石以龍骨代之亦妙

鍊鹽散 治漏精白濁

白鹽不以多少入磁石器內接實黃泥封固火煨一日取出鋪陰地一宿 白茯苓
山藥炒各一兩

右為末入鹽一兩研勻棗肉和蜜丸如梧子大每服三十
丸空心棗湯送下


桑螵蛸散 治小便便白濁夢遺失精 見赤白濁

八物湯 見補損

樗樹根丸 即回腸丸 見婦人

○廣按精猶水也靜則位安動則妄行何以言之左腎所藏者精也真水也右腎所藏者氣也相火也夫夢遺精之症蓋由人之思想過度以動心火君火也君火動則相火翕然而動所以激搏真水而踈泄也其為熱証明矣古方往往以為寒而用熱燥之藥積薪救火難矣哉今俱錄其稍可者以為收澁滑脫之用亦所謂切劑也中病則已不可過服况龍骨最能涸津液右過服之晚年發燥熱之所由也慎之或曰精泄已久則為寒矣古

方用熱藥豈以是乎子曰不然夫精屬陰也火屬陽也陰精虛而陽火愈熾矣經云陰虛生內熱未云陰虛生內寒也



4
3295

大正十一年
九月

